

難

經

正

義

難經正義卷之二

春秋齊勃海鹽縣人著

明會稽庠生李士材著

華亭文元山泉徐克參閱

雲間太學生杜陵馮繼可評

雲間醫官桐江唐瑞同閱

十難曰一脉十變者何謂也然五邪剛柔相逢之意也

此一節言一部之脉輒變爲十者以有五邪剛柔相逢之意也一脉者一部之脉也十變者一部之中而藏府各有五變遂成爲十變也言一脉而有十變者何也然

府爲表而邪始感之其爲邪也柔藏爲裏而邪入傳之

其爲邪也剛五府之邪所干以柔而相逢也曰五府者

節除手厥陰心包絡與手少陽三焦耳五藏之邪所干以剛而相逢也剛

柔有相逢之意此一脉所以有十變也歟

假令心脉急甚者肝邪干心也心脉微急者膽邪干小腸也

此以下五節卽心之一部爲諸經藏府之邪所干遂成

十變而可以例推諸部也假令者猶言假使也止言一

部以例諸部故着此二字耳餘篇心脉者心部之脉也

故肝邪干心可言心脉而膽邪干小腸亦可言心脉也

急。卽弦也。弦急。肝之脉也。甚則不微。微則未甚。其脉體有次序者。蓋藏爲裏。邪已深而爲剛。以藏干藏。此脉之所以甚也。府爲表。邪頗淺而爲柔。以府干府。此脉之所微也。邪有剛柔。故脉有微甚耳。此卽干之爲言犯也。假令心脉見弦急之甚者。肝邪干心也。見弦急之微者。膽邪干小腸也。此乃毋來干子。爲後來者爲虛邪。而虛邪之中。特脉有微甚之分耳。

心脉大甚者。心邪自干心也。心脉微大者。小腸邪自干小腸也。

大卽洪也。心屬火。其脉洪。故脉見大甚者。是心部本經

之邪自干心也。若微則小腸邪自干小腸耳。此乃本經自干本經。是謂正邪。而正邪之中。特脉有微甚之分耳。心脉緩甚者。脾邪干心也。心脉微緩者。胃邪干小腸也。

脾屬土。其脉緩。今心部見之。甚則脾邪干心。微則胃邪干小腸。此乃子來干母。爲從前來者爲實邪。而實邪之中。特脉有微甚之分耳。

心脉瀦甚者。肺邪干心也。心脉微瀦者。大腸邪干小腸也。瀦者肺之脉。今心部見之。甚則肺邪干心。微則大腸邪干小腸。此乃妻來干夫。從所勝來者爲微邪。而微邪之中。特脉有微甚之分耳。

心脉沉甚者。腎邪干心也。心脉微沉者。膀胱邪干小腸也。沉者。腎脉也。今心部見之。甚則腎邪干心。微則膀胱邪干小腸。此乃夫來干妻。爲從所不勝來者。爲賊邪。而賊邪之中。特脉有微甚之分耳。

五藏各有剛柔邪。故令一脉輒變爲十也。

此一節言五部藏府各有相干之邪。故每部輒有十變。不但心之一經爲然也。言五藏之中。各有藏病而爲剛府病而爲柔。其剛柔之邪相逢。故令一脉輒有微甚之分。而變之爲十也。

愚補之曰。肝脉沉甚者。腎邪干肝也。肝脉微沉者。膀胱

邪干膽也。肝脉弦甚者。肝邪自干肝也。肝脉微弦者。膽邪自干膽也。肝脉洪甚者。心邪干肝也。肝脉微洪者。小腸邪干膽也。肝脉緩甚者。脾邪干肝也。肝脉微緩者。胃邪干膽也。肝脉瀦甚者。肺邪干肝也。肝脉微瀦者。大腸邪干膽也。腎脉瀦甚者。肺邪干腎也。腎脉微瀦者。大腸邪干膽也。腎脉沉甚者。腎邪自干腎也。腎脉微沉者。膀胱邪自干膀胱也。腎脉弦甚者。肝邪干腎也。腎脉微弦者。膽邪干膀胱也。腎脉洪甚者。心邪干腎也。腎脉微洪者。小腸邪干膀胱也。腎脉緩甚者。脾邪干腎也。腎脉微緩者。胃邪干膀胱也。肺脉緩甚者。脾邪干肺也。

肺脉微緩者。胃邪干大腸也。肺脉瀦甚者。肺邪自干肺也。肺脉微瀦者。大腸邪自干大腸也。肺脉沉甚者。腎邪干肺也。肺脉微沉者。膀胱邪干大腸也。肺脉弦甚者。肝邪干肺也。肺脉微弦者。膽邪干大腸也。肺脉洪甚者。心邪干肺也。肺脉微洪者。小腸邪干大腸也。脾脉洪甚者。心邪干脾也。脾脉微洪者。小腸邪干胃也。脾脉緩甚者。脾邪自干脾也。脾脉微緩者。胃邪自干胃也。脾脉瀦甚者。肺邪干脾也。脾脉微瀦者。大腸邪干胃也。脾脉沉甚者。腎邪干脾也。脾脉微沉者。膀胱邪干胃也。脾脉弦甚者。肝邪干脾也。脾脉微弦者。膽邪干胃也。

正考證

按熊宗立云剛柔者陰陽也剛為陽曰其柔為陰曰微此不以邪為剛柔而誤以陰陽為剛柔也張世賢引索古云甲丙戊庚壬謂之五陽剛也乙丁己辛癸謂之五陰柔也蓋以五府屬五陽故謂之剛五藏屬五陰故謂之柔是不察以府于府其邪柔而脉斯為微以藏于藏其邪剛而脉斯為甚至有陰乘陽二十五陽乘陰二十五六位通命門三焦合成六十首之說繆亦甚矣其能宗立又謂甚為剛微為柔似為得之而不知邪唯剛故脉甚邪唯柔故脉微之

附考證

按此難止有急大緩瀯沉等脉靈樞自五脉外

有少滑等脉且難經不言病靈樞則言病其意消合因并載之靈樞邪氣藏府病形篇黃帝曰請問脉之緩急小大滑瀯之病形何如歧伯曰臣請言五藏之病變也心脉急甚者為瘕瘕微急為心痛引背食不下緩甚為狂笑微緩為伏梁在心下上下行時唾血大甚為喉吟微大為心痺引背善淚出小甚

音瘵

音瘵

瘵音瘵
瘵音瘵
瘵音瘵
瘵音瘵

為善噦微小為消痺滑甚為善渴微滑為心疝引臍小
 腹鳴瀉甚為瘖微瀉為血溢維厥耳鳴顛疾肺脉急
 甚為癰疾微急為肺寒熱怠惰欬唾血引腰背胃若鼻
 息肉不通緩甚為多汗微緩為痿痿偏風頭以下汗出
 不可止大甚為脛腫微大為肺痺引胃背起惡日光小
 甚為泄微小為消痺滑甚為息賁上氣微滑為上下出
 血瀉甚為嘔血微瀉為鼠瘻在頸支腋之間下不勝其
 上其應善瘵矣肝脉急甚者為惡言微急為肥氣在
 脇下若覆杯緩甚為善嘔微緩為水瘕痺也大甚為內
 癰善嘔衄微大為肝痺陰縮欬引小腹小甚為多飲微

瘡統
下反

瘡
同

瘡
音
臨
音
切

瘡
音
益
音
切

小為消痺。滑甚為瘡。微滑為遺溺。瀉甚為溢飲。微瀉為瘕。瘕筋痺。脾脉急甚為瘕。瘕微急為膈中。食飲入而還出。後沃沫。緩甚為痿癱。微緩為風痿。四肢不用。心慧然若無病。大甚為擊仆。微大為疝氣。腹裏大膿血在腸胃之外。小甚為寒熱。微小為消痺。滑甚為瘡。瘡微滑為蟲毒。蝮蝎腹熱。瀉甚為腸瘡。微瀉為內瘡。多下膿血。腎脉急甚為骨癰疾。微急為沉厥奔豚。足不收。不得前後。緩甚為折脊。微緩為洞洞者。食不化。下嗝還出。大甚為陰痿。微大為石水。起擠已下。至小腹。腫腫然。上至胃脘。死不治。小甚為洞泄。微小為消痺。滑甚為瘕。瘕微

滑爲骨痿。坐不能起。起則自無所見。瀝甚爲大癰。微瀝爲不月沉疴。

十一難曰。經言。脉不滿五十動。而一止。一藏無氣者。何藏也。然人吸者。隨陰入。呼者。因陽出。今吸不能至腎。至肝而還。故知一藏無氣者。腎氣先盡也。

此一篇論脉不滿五十動者。爲一藏無氣。廼腎氣先盡也。動者。脉至也。素問平人氣象論云。人一呼脉再動。一吸脉再動。呼吸定息。脉五動也。一息五動。則徧周五藏。自一之十。乃天地生成之數。至於十息。則徧周五藏者。循環二次矣。五十動而不見止脉。是五藏皆有氣。故能

各至於十動也。今經言脉不滿五十動而一止。一藏無氣是卽靈樞根結篇所謂四十動一代者。一藏無氣也。但此一藏無氣。不知是何藏耳。然人之生也。肺最居上。心次之。脾居中。肝居下。腎又下之。故其吸也。肝腎司之。陽隨陰入。其呼也。肺心司之。陰隨陽出。一呼再動。一動肺。二動心也。脾居上下之中。三動脾也。一吸再動。四動肝。五動腎也。今脉不滿五十動而四十動而代者。是大氣不能營於下。未得至於腎經。僅至肝經而還。故知一藏無氣者。乃腎氣先盡也。設使三十動而止。是二藏無氣。腎與肝是已。二十動而止。是三藏無氣。腎肝與脾是。

已十動而止。是四藏無氣。腎肝脾心是已。不滿十動而止。是五藏無氣。腎肝脾心肺是已。蓋其動也。自上而下。肺心脾肝腎。其止也。自下而上。腎肝脾心肺。豈不可卽此一藏無氣者。而例推之哉。

靈樞不言一藏無氣爲腎經而難經則明言之耳。

靈樞根結篇。歧伯曰。一日一

夜五十營。以營五藏之精。不應數者。名曰狂生。

倅生也。

謂五十營者。五藏皆受氣。持其脉口。數其至也。五十動而不一代者。五藏皆受氣。四十動一代者。一藏無氣。三十動一代者。二藏無氣。二十動一代者。三藏無氣。十動一代者。四藏無氣。不滿十動一代者。五藏無氣。予與之

靈樞

本經大意出自靈樞根結篇。但

短期要在終始。所謂五十動而不一代者。以爲常也。以知五藏之期。予之短期者。乍數乍疎也。脉要精微論。

岐伯曰。代則氣衰。

愚按代之爲義。脉來中止而不。能還其勢。似有求代之意。故名。

十二難曰。經言五藏脉已絕於內。用鍼者反實其外。五藏脉已絕於外。用鍼者反實其內。內外之絕。何以別之。然五藏脉已絕於內者。腎肝脉絕於內也。而醫反補其心肺。五藏脉已絕於外者。心肺脉絕於外也。而醫反補其腎肝。陽絕補陰。陰絕補陽。是謂實實虛虛。損不足而益有餘。如此死者。醫殺之耳。

此一篇言用鍼之失宜者。所以害人也。經言五藏

已絕於內。而粗工用鍼者。不實其內而反實其外。五藏
脉已絕於外。而粗工用鍼者。不實其外而反實其內。且
所謂內外之絕。何以別其爲內。爲外之所絕乎。然五藏
在人。心肺居上。其脉見於寸部。是之謂外也。陽也。腎肝
居下。其脉見於尺部。是之謂內也。陰也。今五藏脉已絕
於內者。乃腎肝脉已絕於內也。則陰病當補陰矣。而醫
人用鍼者。反不補其腎肝。而補其心肺。則是陰絕補陽
也。是謂腎肝之虛者。而虛之損其所不足也。心肺之實
者。而實之益其所有餘也。如此死者。不過醫殺之耳。五
藏脉已絕於外者。乃心肺脉已絕於外也。則陽病當補

陽矣。而醫人用鍼者。反不補其心肺。而補其腎肝。則是陽絕補陰也。是謂心肺之虛者而虛之。損其所不足也。腎肝之實者而實之。益其所有餘也。如此死者。不過醫殺之耳。卽此可以別其爲內爲外之所絕。而用針者之補寫。所以爲失宜也。

正考證

本難大意出自靈樞九針十二原小針解篇。但

難經以心肺腎肝分內外。而小針篇則以氣口知內外耳。九鍼十二原篇。歧伯曰。凡將用鍼。必先診脉。視氣之劇易。乃可以治也。五藏之氣已絕於內。而用鍼者。反實其外。是謂重竭。重竭必死。其死也靜。治之者。輒反其氣。取腋與膺。五藏之氣已絕於外。而用鍼者。反實其內。是謂逆厥。逆厥則必死。其死也

躁治之者反取四末刺之。害中而不去則精泄。害中而
去則致氣。精泄則病益甚而恒。致氣則生爲癰瘍。小
鍼解篇云。五藏之氣已絕於內者。脉口氣內絕不至。反
取其外之病處與陽經之合。有留鍼以致陽氣。陽氣至
則內重竭。重竭則死矣。其死也無氣以動。故靜。所謂五
藏之氣已絕於外者。脉口氣外絕不至。反取其四末之
輸。有留鍼以致其陰氣。陰氣至則陽氣反入。入則逆逆
則死矣。其死也陰氣有餘。故躁。滑注仁云。靈樞以脉口
肺腎肝內外別陰陽其理亦猶是也。

十三難曰。經言見其色而不得其脉。反得相勝之脉者。卽

死得相生之脉者。病卽自己。色之與脉。當參相應。爲之柰何。爲去聲

此一節言見本部之色。不得本部之脉。而反得相勝相生者。乃爲死生之攸係。遂卽色脉之必相參者而詰之。馬經言見此部之色。當得此部之脉者。宜也。今見其色而不得其脉。如肝之一經。見其色之青。而不得其脉之弦者。是已其脉之來也。反得相勝之脉者。卽死。如色爲青。而脉則浮濇而短。是脉來尅色也。色爲青。而脉則大而緩。是色來尅脉也。此病之卽死也。苟得相生之脉者。病卽自己。如色爲青。而脉則浮大而散。是色來生脉也。

色爲青而脉則沉濇而滑是脉來生色也此病之即已也。假肝爲例而餘藏可推矣。夫色見於外者也。脉運於內者也。似乎未必相應而亦不必參之也。而今色之於脉必當參其相應者爲之奈何。參之爲言合也。

然五藏有五色皆見於面亦當與寸口尺內相應。假令色青其脉當弦而急。色赤其脉浮大而散。色黃其脉中緩而大。色白其脉浮濇而短。色黑其脉沉濇而滑。此所謂五色之與脉當參相應也。

何承雲云其脈字下俱該自一當字

此一節言五色之與五脉必當參其相應也。五藏有五色皆見於面者也。五藏有五脉皆見於寸口尺內者也。

據素問靈樞論診脈大約指然五色亦當與五脉而相
寸口尺內本當有言及關者然五色亦當與五脉而相
應焉假令青者肝之色也其脉當弦而急始與肝之色
而相應矣赤者心之色也其脉當浮大而散始與心之
色而相應矣黃者脾之色也其脉當中緩而大始與脾
之色而相應矣白者肺之色也其脉當浮濇而短始與
肺之色而相應矣黑者腎之色也其脉當沉濇而滑始
與腎之色而相應矣此所謂五色之與五脉當即其相
應者而求之也苟不即其相應而參之則何以知其反
此而有相勝相生者哉

正考證

此與上節之意出自
靈樞邪氣藏府病形

篇但諸脉字面稍有不同
而其大義全無所異歧伯曰夫色脉與尺之相應也

如桴鼓形影之相應也。黃帝曰：愿卒聞之。岐伯曰：色青者其脉弦也。赤者其脉鈞也。黃者其脉代也。白者其脉毛黑者其脉石。見其色而不見其脉，反得其相勝之脉，則死矣。得其相生之脉，則疾已矣。

脈病

本難言色

嘗言及病死之素問脉要精微論。岐伯曰：診法常以平旦陰氣未動，陽氣未散，飲食未進，經脉未盛，絡脉調勻，氣血未亂，故乃可診。有過之脉，切脉動靜，而視精明，察五色，觀五藏，有餘不足，六府強弱，形之盛衰，以此參伍，決死生之分。又曰：渾渾革革，至如涌泉，病進而色弊，縣縣其去如弦絕死。又曰：微其脉小，色不奪者，新病也。微其

脉不奪其色奪者此久病也。微其脉與五色俱奪者此
久病也。微其脉與五色俱不奪者新病也。素問五藏
生成篇云。夫脉之小大滑瀦浮沉可以指別。五藏之象
可以類推。五藏相音可以意識。五色微診可以目察。能
合脉色可以萬全。赤脉之至也。喘而堅。診曰有積氣在
中。時害於食。名曰心痺。得之外疾。思慮而心虛。故邪從
之。白脉之至也。喘而浮。上虛下實。驚有積氣在胃中。喘
而虛。名曰肺痺。寒熱得之。醉而使內也。青脉之至也。長
而左右彈。有積氣在心下支法。名曰肝痺。得之寒濕。與
疝同法。腰痛足清頭痛。黃脉之至也。大而虛。有積氣

在腹中。有厥氣。名曰厥疝。女子同法。得之疾使四支汗出當風。黑脉之至也。上堅而大。有積氣在小腹與陰。名曰腎痺。得之沐浴清水而卧。凡相五色之奇脉。面黃目青。面黃目赤。面黃目白。面黃目黑者。皆不死也。面青目青。面赤目白。面青目黑。面黑目白。面赤目青。皆死也。

素問玉機真藏論黃帝曰。凡治病。察其形氣色澤脉之盛衰。病之新故。乃治之。無後其時。形氣相得。謂之可治。色澤以浮。謂之易已。脉從四時。謂之可治。脉弱以滑。是有胃氣。命曰易治。取之以時。形氣相失。謂之難治。色夭不澤。謂之難已。脉實以堅。謂之益甚。脉逆四時。爲不可

治。素問陰陽應象大論云。善診者。察色按脉。先別陰陽。審清濁。而知部分。視喘息。聽音聲。而知所苦。視權衡。規短。而知所主。病按尺寸。觀浮沉滑澀。而知病所主。以治。素問玉版論要篇。歧伯曰。容色見上下左右。各在其要。其色見淺者。湯液主治。十日已。其見深者。必齊主治。二十一日已。其見大深者。醪酒主治。百日已。色夭面脫。不治。百日盡已。脉短氣絕死。病溫虛甚死。色見上下左右。各在其要。上為逆。下為從。色見下者。病生之氣也。故從。色見於上者。傷也。故逆。女子右為逆。左為從。男子左為逆。右為從。神之兆也。故逆。左為從。男子左為逆。右為從。左為從。右為逆。男子右為從。而左為逆。右為從。女子右為逆。而左為從。易重陽死。重陰死。見於左。陰故。女子右為逆。而左為從。易重陽死。重陰死。見於左。

男子色見於右。是變易也。男子色見於左。是曰重陽。女子色見於右。是曰重陰。氣極則反。故皆死也。素

問三部九候論。歧伯曰。形盛脉細。少氣不足以息者。危。形瘦脉大。胷中多氣者。死。形氣相得者。生。參伍不調者。病。三部九候皆相失者。死。上下左右之脉。相應如參春者。病甚。上下左右。相失不可數者。死。又曰。脫肉身不去者。死。又曰。形肉已脫。九候雖調。猶死。靈樞壽夭剛柔篇。伯高曰。形充而脉小以弱者。氣衰則危矣。素問方盛衰論。黃帝曰。形弱氣虛。死。形氣有餘。脉氣不足。死。脉氣有餘。形氣不足。生。

脉數。尺之皮膚亦數。脉急。尺之皮膚亦急。脉緩。尺之皮膚

亦緩。脉濇。尺之皮膚亦濇。脉滑。尺之皮膚亦滑。

此一節言脉與尺之皮膚亦當參其相應也。脉乃寸口

尺內之脉也。尺之皮膚乃從關至尺澤之皮膚也。數屬

心。急屬肝。緩屬脾。濇屬肺。滑屬腎。脉在皮膚之內。皮膚

在脉之外。必內如斯。而外亦如斯。此之謂內外相應也。

否則相勝相生見矣。

正考證

本節之義出自靈樞黃
卯氣藏府病形篇

帝曰。色脉已定。別之奈何。歧伯曰。調其脉之緩急。大小
滑濇。而病變定矣。黃帝曰。調之奈何。歧伯曰。脉急者。尺
之皮膚亦急。脉緩者。尺之皮膚亦緩。脉小者。尺之皮膚
亦減而少氣。脉大者。尺之皮膚亦賁。奔而起。脉滑者。尺

之皮膚亦滑。脉瀼者。尺之皮膚亦瀼。凡此變者。有微有甚。故善調尺者。不待於寸。善調脉者。不待於色。

愚按脉者可按

而知。其尺之皮膚。乃尺部至尺澤之皮膚也。嘗于尺部至尺澤之皮膚。診之果既有脉。其曰亦減而少氣者。即小也。亦奔而起者。即大也。但不曰脉。而曰皮膚二字。豈必診脉時。有驗其皮膚滑瀼枯澀之意耶。况診脉時。止有尺之皮膚。可驗其尺之皮膚。而周身可類推矣。古人上觀色。內驗脉。外驗皮膚。可謂詳慎之至也。

附考證

脉與尺之皮膚固當相應然凡診尺脉亦必有病

靈樞論疾診尺篇黃

帝問於歧伯曰。余欲無視色持脉。獨調其尺。以言其病。從外知內。爲之奈何。歧伯曰。審其尺之緩急大滑瀼肉之堅脆。而病形定矣。視人之目窠上微癰。如新卧起狀。其頸脉動時欬。按其手足上。胷而不起者。風水膚脹也。

尺膚滑其淖澤者風也。尺肉弱者解休安卧。脫肉者寒熱不治。尺膚滑而澤脂者風也。尺膚濇者風痺也。尺膚麤如枯魚之鱗者水洩飲也。尺膚熱甚脉盛躁者病溫也。其脉盛而滑者病且出也。尺膚寒其脉小者泄少氣。尺膚炬然先熱後寒者寒熱也。尺膚先寒久大之而熱者亦寒熱也。肘所獨熱者腰以上熱。手所獨熱者腰以下熱。肘前獨熱者膚前熱。肘後獨熱者肩背熱。臂中獨熱者腰腹熱。肘後麤以下三四寸熱者腸中有虫。掌中熱者腹中熱。掌中寒者腹中寒。魚上白肉有青血脉者胃中有寒。尺炬然熱人迎大者當奪血。尺堅大脉小甚。

少氣。惋有加。立死。

五藏各有聲色臭味。當與寸口尺內相應。其不相應者。病也。

此一節言五藏聲色臭味亦當與脉而參其相應也。蓋五藏各有聲色臭味。當與寸口尺內相應。假如聲呼而色青。臭臊而味酸者。肝也。其脉當弦而急。聲笑而色赤。臭焦而味苦者。心也。其脉當大而散。聲歌而色黃。臭香而味甘者。脾也。其脉當大而緩。聲哭而色白。臭腥而味辛者。肺也。其脉當浮瀉而短。聲呻而已。臭腐而味鹹者。腎也。其脉當沉而滑。有是各藏之聲色臭味。則當有

各藏之脉。夫是之謂相應也。其有不相應者。必不免於病矣。

假令色青。其脉浮濇而短。若大而緩。爲相勝。浮大而散。若小而滑。爲相生也。

此一節言色與脉之不相應。有相勝相生之異。而爲生死之攸係也。上文旣言聲色臭味。亦當與脉相應矣。而此又以色與脉之不相應者言之。假令色青者。肝之色也。其脉浮濇而短。是脉勝色矣。若脉大而緩。是色勝脉矣。所謂相勝者。爲卽死也。假令色青者。肝之色也。其脉浮大而散。是色生脉矣。若脉小而滑。是脉生色矣。所謂

相生者病。卽自巳也。卽肝之一藏以觀之。而餘藏可例推矣。

經言知一爲下工。知二爲中工。知三爲上工。上工者十全九。中工者十全八。下工者十全六。此之謂也。

此一節。總結上文。見治疾者之當明斯三者。而後爲全也。言脉與五色當參相應。否則不相勝。卽相生矣。脉與尺之皮膚。當參相應。否則不相勝。卽相生矣。脉與聲色臭味。當參相應。否則不相勝。卽相生矣。三者之中。有知其一而不知其二者。謂之下工。有知其二而不知其一者。謂之中工。有合三者而知之者。謂之上工。則其治病

而生全之也。十分之中。遂有六分八分九分之相遠矣。經言如此。非吾前言各當相參之謂歟。噫。昔之所謂下工者。今亦鮮矣。則必不能使十之生六也。况望其能全八與九哉。是可深惜也已。

正考證

本節之說出自靈樞邪氣篇。府病形

篇。歧伯曰。能參合而行之者。可以爲上工。上工十全九。行二者爲中工。中工十全七。行一者爲下工。下工十全

六。

高鶴琴云。所謂三者。指色之與脈。尺之皮膚。膚之與筋。

聲色臭味之與脈。三者俱以脈爲主。而并參之。滑伯仁李晞范止以色。脉皮膚爲三者。而遺聲色臭味。非義之全者也。且以脉與皮膚。色爲相等。豈越人之意哉。學者當以玄臺之言爲正耳。

天論之所謂良醫。湯液醪醴論之所謂良工也。下工。卽生氣通天論之謂粗移精矣。氣論靈樞十二原之所謂粗工也。

十四難曰。脉有損至。何謂也。然至之脉。一呼再至曰平。三至曰離經。四至曰奪精。五至曰死。六至曰命絕。此死之脉也。何謂損。一呼一至曰離經。二呼一至曰奪精。三呼一至曰死。四呼一至曰命絕。此損之脉也。至脉從下上。損脉從上下也。高鶴琴云。此死之脉。當作至。

此一節言至損之脉有不同。而其病有先腎先肺之殊焉。損者。脉數減少之謂也。至者。脉數頻多之謂也。言脉者。人之所必有也。或有減少而爲損者焉。或有頻多而爲至者焉。果何所謂而然也。然試以至脉言之。凡人有呼必有吸。是之謂一息也。故一呼脉來再至。則一吸亦

來再至此一息四至脉也。無太過無不及。非脉之平者而何。惟脉有至而愈至。則呼吸少而脉數多。陽之偏勝然也。夫是之謂曰至。脉有減少而不至。則呼吸多而脉數少。陰之偏勝然也。夫是之謂曰損。故自平脉之外。遂有至脉。損脉之分。或有一呼三至。則一吸亦三至。乃一息六至脉也。陽初勝乎陰矣。或有一呼一至。則一吸亦一至。乃一息二至脉也。陰初勝乎陽矣。皆謂之曰離經。離經者。離其常經也。或有一呼四至。則一吸亦四至。乃一息八至脉也。陽甚勝陰矣。有二呼一至。則二吸亦一至。乃二息一至脉也。陰甚勝陽矣。皆謂之曰奪精。奪精

者。奪去其精氣也。或有一呼五至則一吸亦五至。乃一
息十至脉也。至此則陽勝陰亡矣。或有三呼一至則三
吸亦一至。乃三息一至脉也。至此則陰勝陽亡矣。皆謂
之曰死。或有一呼六至則一吸亦六至。乃一息十二至
脉也。至此則陽極陰絕矣。或有四呼一至則四吸亦一
至。乃四息一至脉也。至此則陰極陽絕矣。皆謂之曰命
絕。自離經而爲病。奪精而病甚。病甚而死。死而命絕。其
漸有如此者。至脉從下而上。先病肺而後病肝。脾病
心病。肺也。卽下文骨痿不能起於床。以至於皮聚而毛
落者是已。損脉從上而下。先病肺而後病心。脾病肝

病腎也。卽下文皮聚而毛落。以至於骨痠不能起於床者。是已。蓋至脈從下而上。陰虧而陽勝。故其脈數多。損脈從上而下。陽虧而陰勝。故其脈數少。其損至之脈。有不同者。固如是夫。按一呼三至。脈行四寸半。則一吸三至。亦行四寸半。共脈行九寸。由一息比平人過行四百五十五丈矣。此至脈之難其常經也。平人一呼再至。脈行三寸。今一呼一至。脈行一寸半。則一吸一至。亦行一寸半。共行三寸。由一息比平人減四百五十五丈矣。此損脈之難其常經也。有一呼四至。脈行六寸。則一吸亦四至。脈行六寸。共一息脈行一尺二寸。積至一萬三千五百息。脈行一千六百二十丈。比平人過行八百十丈矣。此至脈之精已衰奪也。有再呼一至。則再吸亦一至。乃二息一至。脈也是一息之間。脈止行得一寸半。積至一萬三千五百息。脈行二千二百二十五丈。比平人少六十七丈五尺矣。此損脈之精已衰奪也。他如一呼五至。

則一吸亦五至。乃一息十至。雖一息之間。脉已行一尺五寸。其三呼一至。則三息脉止。行得一寸半。僅抵平人之半呼耳。一呼六至。則一吸亦六至。乃一息十二至。雖一息之間。脉已行一尺八寸。其四呼一至。則四息脉止。行得一寸半。似同無呼之人耳。皆神氣全無。非可以言脉體也。死絕相繼。不亦宜乎。蓋其始也。陰陽偏勝。僅至於病。其中也。陰陽偏甚。精已衰矣。其終也。陰陽偏絕。尚安望其能有生哉。按王叔和脉經云。肝脉來濯濯如倚竿。如琴瑟之弦。再至曰平。三至曰離經。病。四至脫精。五至死。六至命盡。足取陰脉也。心脉來累累如貫珠滑利。再至曰平。三至曰離經。病。四至脫精。五至死。六至命盡。手少陰脉也。脾脉來耎耎如散葉。再至曰平。三至曰離經。病。四至脫精。五至死。六至命盡。足太陰脉也。肺脉來汎汎如微。再至曰平。三至曰離經。病。四至脫精。五至死。六至命盡。手太陰脉也。腎脉來沉細而緊。再至曰平。三至曰離經。病。四至脫精。五至死。六至命盡。足少陰脉也。按內經金匱無所謂換脉者。其至字。則有之。要知述人之意。以不及為換脉。太過為至脉耳。然以下文及內經觀之。則至字。即動字。凡太過不及之脉。皆可以言至也。

損肺之爲病柰何。然一損損於皮毛。皮聚而毛落。二損損於血脉。血脉虛少不能榮於五藏六府也。三損損於肌肉。肌肉消瘦。飲食不能爲肌膚。四損損於筋。筋緩不能自收持。五損損於骨。骨痿不能起於床。反此者。至於收病也。從上下者。骨痿不能起於床者死。從下上者。皮聚而毛落者

五高鶴琴云。於收二字無氣。

此一節言損肺之病。自肺而之腎。至肺之病。自腎而之肺。皆不免於死也。承上文而言損肺從上下。則自上而下。其爲病也柰何。不問至肺之病者。將因自上而下之病。以推自下而上之病也。下節止問治損之法。其意亦

猶是耳。然人身之五藏。肺爲陽中之陰。心爲陽中之陽。居上者也。肝爲陰中之陽。腎爲陰中之陰。居下者也。脾爲陰陽之中。故居中州。素問宣明五氣論云。肺主皮毛。心主脈。脾主肉。肝主筋。腎主骨。是調五主。靈樞九針論岐伯曰。心主肺主皮。肝主筋。脾主肉。腎主骨。素問痿論岐伯曰。肺主身之皮毛。心主身之血脈。肝主身之筋。脾主身之肌肉。腎主身之骨髓。今損肺之病。自上而之下。是以一損損於肺。肺主皮毛者也。故皮似縞聚而毫毛則脫落焉。此曰損者。傷之謂也。非損肺之損也。二損損於心。心主血脈者也。故血脈虛少。不能滋榮於五藏六府焉。三損損於脾。脾主肌肉者也。故肌肉消瘦。飲食不能爲肌膚焉。四損

損於肝。肝主筋也。故筋緩不能自收持焉。五損損於腎。

腎主骨也。故骨痿不能起於床焉。素問痿論岐伯曰腎氣熱則腰脊不舉骨

枯而髓減發為骨痿有所遠行勞倦逢大熱而渴渴則陽氣內伐內伐則熱舍於腎腎者水藏也今水不能勝

火則骨枯而髓虛故足不任身發為骨痿故下經曰骨痿者生於大熱也此乃損肺之為病

者如此。反此者。則至肺之病。自下而之上。故一損損於

腎。骨痿不能起於床。二損損於肝。筋緩不能自收持。三

損損於脾。肌肉消瘦。飲食不能為肌膚。四損損於心。血

脈虛少。不能榮於五藏六府。五損損於肺。皮聚而毛落。

此則至肺之為病者。又如此。所謂損肺從上而下者。蓋

始自皮聚而毛落。以至於骨痿不能起於床。至肺從下

而上者。蓋自骨痿不能起於床。以至於皮聚而毛落。雖病分先肺先腎。而五藏皆漸絕也。故均謂之曰死耳。然治損之法奈何。然損其肺者。益其氣。損其心者。調其榮衛。損其脾者。調其飲食。適其寒溫。損其肝者。緩其中。損其腎者。益其精。此治損之法也。

此一節言治損之法。而治至之法可推也。承上文而言。損至之脉。固可卽上下以知其病之有先後矣。是必有何法以治損脉之病。而用以例治至脉之病焉。然損脉自上而下者也。故肺主氣。氣損則肺損而病矣。必於其氣而補益之。心主血。脉損則心損而病矣。必於其

營衛而調之。蓋營乃陰精之氣，所以化血而爲陽之守。而衛乃陽精之氣，所以衛外而爲陰之使。調其營衛，斯心血生而經脉通矣。啓玄子云：營主血，陰氣也。衛主氣，陽氣也。脾主飲食，飲食不調，則脾損而病矣。必調其飲食，而適其寒溫焉。伯仁云：如春夏食涼，食冷，秋冬食溫，食熱。及衣服起居，各當其時也。蓋脾雖主飲食，而衣服起居之寒溫不適，則脾其能化飲食乎？肝爲將軍之官，善急者也。急則肝損，此滑氏之說是也。而病矣。必和其性情，嗜好而緩其中焉。素問藏氣法時論：岐伯曰：肝苦急，急食甘以緩之。然所謂緩其中，則不但飲食而已。腎藏精，精不藏則腎損而病矣。必於其精而補益之。此乃治損之法。有如此者，則治至之法，可卽是以例推之矣。

素問宣明五氣

論云。五勞所傷。久視傷血。

王冰註云。勞於心也。

久卧傷氣。

王冰註云。勞於

肺也。久坐傷肉。

王冰註云。勞於脾也。

久立傷骨。

王冰註云。勞於腎也。

久行傷筋。

王冰註云。勞於肝也。

是謂五勞所傷。

脉有一呼再至。一吸再至。有一呼三至。一吸三至。有一呼四至。一吸四至。有一呼五至。一吸五至。有一呼六至。一吸六至。有一呼一至。一吸一至。有再呼一至。再吸一至。有呼吸再至。脉來如此。何以別知其病也。

此一節重問損至之脉。可以別其為何病。所以起下文也。但內有呼吸再至五字。則重出。即上文一呼一至。一吸一至。二句耳。

正考證

按滑伯仁云。前之損至。以五藏自病得之于內者而言。此

則以經絡血氣爲邪所中之微甚自外得之者而言也。是滑氏之意蓋卽下文之病與上文之病有不同者而見之。

然脈來一呼再至。一吸再至。不大不小曰平。

此一節言一息四至脈也。不大不小者。寸關尺各得其宜。至數調勻也。藏府平和。故脈如此。平者。無過不及之謂也。**正考證**素問平人氣象論岐伯曰。人一呼脈再動。一吸脈亦再動。呼吸定息。脈五動。閏以大息。命曰平人。平人者。不病也。

一呼三至。一吸三至。爲適得病。前大後小。卽頭痛目眩。前小後大。卽胸滿短氣。

此以下四節皆至脉爲病。一節甚於一節。而此一節言一息六至脉之爲始得病也。一呼三至。一吸三至。名曰數脉。適初也。適得病。初染病也。因脉始加平脉一至。故爲得病未久。前大後小者。寸前大而寸後小也。寸爲上部。法天主胸。以上至頭之有疾。關以下法人主胸以下至臍之有疾。前大後小者。乃氣升而不降。故脉如此。而病見于上者。爲頭痛目眩也。前小後大者。寸前小而寸後大也。前小後大。乃氣降而不升。故脉如此。而病見於下者。爲胸滿短氣也。

正考證

素問平人氣象論。歧伯

曰。人一呼脉三動。一吸脉三動。而躁。尺熱曰病溫。尺不

熱脉滑曰病風脉濇曰痺

何承雲云。玄堂此說。似與熊宗立同。細詳之。庶于頭痛目

眩。青浦短氣。為有理。張世賢分前後為尺寸。大小為寒熱。若非當知六至之脉。有熱而無寒也。滑伯仁以前後為非尺寸。猶十五難前曲後居之意。當以始末言之。則於頭痛目眩。青浦短氣。無着矣。李晞范以寸外大者為前大。寸內小者為後小。尤為非理也。

一呼四至。一吸四至。病欲甚。洪大者苦煩滿。沉細者腹中

痛滑者傷熱。濇者中霧露。中去聲

此一節言一息八至脉之為病欲甚也。夫一息八至。乃

脫脉也。較之適得病。其脉已加二至。故曰病欲甚。洪大

屬陽。沉細屬陰。八至之脉。若洪大者。病在三陽。陽邪愈

甚。故苦煩滿。煩乃不安。滿則飽脹。八至之脉。若沉細者。

病在三陰。陰盛搏陽。故主腹中疼痛。八至之脉見滑者。熱傷氣也。陽氣有餘。故滑脉來現耳。八至之脉見濇者。寒傷血也。觸胃霧露。血脉不調。故濇脉來現耳。

證

按素問平人氣象論曰。人一呼脉四動以上曰死。夫素問以爲死。而越人止言病欲甚者。蓋素問曰已上

則不止四動而已如下文二節所言是也。

一呼五至。一吸五至。其人當困。沉細夜加。浮大晝加。不大不小。雖困可治。其有大小者爲難治。

此一節言一息十至之脉。或有困於夜者。或有困於晝者。或有困而可治者。或有困而難治者。皆由脉以爲之。憑也。夫一息十至。卽歸墓脉也。十至之脉。其人當困。若

十至中見沉細。是陰之極。至夜必加病。若十至中見浮大。是陽之極。至晝必加病。但沉細浮大之中。而不乍大乍小者。雖危亦有可治。蓋以胃氣尚存。故脉猶平和耳。其沉細浮大之內。各有乍大乍小者。則胃氣已戕然矣。不亦爲難治耶。滑伯仁以沉細爲小。浮大爲大者。亦通。一呼六至。一吸六至。爲死脉也。沉細夜死。浮大晝死。

此一節言一息十二至之脉。或有死于夜者。或有死于晝者。亦由脉以爲之憑也。十二至脉爲絕魂。故曰死。沉細脉爲陰病。陰病當死于陰。故夜死。浮大脉爲陽病。陽病當死于陽。故晝死。

王機真藏論

按王機真藏論。黃帝曰。

若人一呼五六至其形肉不脫真藏雖不見猶死也。

附考證素問三部九候篇岐伯曰三部九候皆相失者死上下左右之脉相應如參春者病甚上下左右相失不可數者死。

一呼一至一吸一至名曰損人雖能行猶當着床所以然者血氣皆不足故也。

此與下節言損脉爲病而此一節言一息二至之脉其病當自上而下以血氣之不足也一息二至脉名曰敗又謂之損損脉從上下今人雖能行必至於着床而後已着床者卽骨痿不能起于床也所以然者蓋以肺主

氣。心主血。惟一息止得二至。是氣血不足。心肺俱損矣。從上而下。則目是而病脾。肝病腎。其勢使之然也。安得而不著于床乎。

正考證

素問平人氣象論云。人一

呼。脈一動。一吸。脈一動。曰少氣。

再呼一至。再吸一至。名曰無魂。無魂者。當死也。人雖能行。名曰行屍。

此一節言二息一至之脈。其人必當死也。魂屬陽。魄屬陰。二息一至。則陽絕而魂去也。人雖能行。其體已死矣。

故曰行屍。

正考證

素問平人氣象論岐伯曰。脈絕不

至曰死。

按李騰范謂脈訣兩息一至死。非惟正難經所謂再呼一至再吸一至。張世賢以爲一息一至。

之脉則
訛矣。

上部有脉下部無脉其人當吐不吐者死上部無脉下部
有脉雖困無能爲害所以然者譬如人之有尺樹之有根
枝葉雖枯槁根本將自生脉有根本人有元氣故知不死
何承雲云。譬如二
字當在有尺之下。

上文言損至之脉病生死既已詳矣而此一節極言尺
脉乃人之元氣其所係爲尤重而尤可以決人之死生
也上部寸脉也下部尺脉也言人之上部有脉下部無
脉意者邪實于上故上有下無其人當吐吐則氣一通
暢下脉自生不可以期其死也若非邪實之故而不必

于吐是真下部元氣已絕故尺脉自無也其爲死也必矣又有上部無脉下部有脉雖病已危困無能爲害也所以然者何也蓋人之有尺譬如樹之有根上部無脉猶枝葉之枯槁也下部有脉猶根本之有生也觀夫樹之枝葉雖枯槁而有根必有復生之理則人之有是尺脉乃脉之有根本也脉之有根本卽腎間之有動氣而爲人之有元氣也正如樹有根本而枝葉之枯無足慮者故知其爲不死也然則尺脉在人其所係不甚重乎此一節當承八難而觀之其義無間意者乃八難之脫簡歟

按此節似與上文不屬今細推之上文之損脉從上下則知皮聚而毛落以至骨癢不能起于床者

死然其病勢之持也必久而人之治之也亦易蓋肺病而腎不病其至於死也難至肺從下上則知骨痿不能起于床以至於皮聚而毛落者死然其病勢之持也必速而人之治之也亦難蓋腎病而肺必病其不至於死者鮮上部有脉而下部無脉乃所謂至脉也其人當死上部無脉而下部有脉乃所謂損脉也其人可治蓋因上文以爲漸至於死而復言此以發其未盡之意見至脉難治而損脉爲可治也試觀今之治弱證者凡損脉而爲不足其脉弱則用大補之劑以補之而十之生者七八凡至脉而爲有餘其脉躁則雖大補之劑以補之而十之生者而十之生者一二可見尺爲重而寸爲輕也學者可不察諸

十五難曰經言春脉弦夏脉鉤秋脉毛冬脉石是王脉耶將病脉也然弦鉤毛石者四時之脉也春脉弦者肝東方木也萬物始生未有枝葉故其脉之來濡弱而長故曰弦夏脉鉤者心南方火也萬物之所茂垂枝布葉皆下曲如

鈞故其脉之來疾去遲故曰鈞。秋脉毛者。肺。西方金也。萬物之所終。草木華葉皆秋而落。其枝獨在。若毫毛也。故其脉之來輕虛以浮。故曰毛。冬脉石者。腎。北方水也。萬物之所藏也。盛冬之時。水凝如石。故其脉之來沉濡而滑。故曰石。此四時之脉也。王去聲何承雲云來疾去遲上當有一來字盛冬宜此盛字他本作極冬者非

此一節言弦鈞毛石爲四時之脉。必卽萬物之生長收藏者。而明夫脉體焉。王脉者。卽七難少陽之至。乍大乍小等語也。病脉者。卽九難數則爲熱。遲則爲寒之謂也。四時之脉者。正此難。春弦。夏鈞。秋毛。冬石之謂也。言春脉弦。夏脉鈞。秋脉毛。冬脉石者。是王脉耶。將病脉也。然

弦鈎毛石者。非王脉也。亦非病脉也。乃四時之脉也。蓋

人身與天地本相參也。

此語出素問欬論。靈樞經水論。皆歧伯言。

天地有春

夏秋冬之四時。吾人有肝心肺腎之四藏。故品物流形於天地之間。猶脉氣流行于人身之內。必四時行而萬物之所以生長收藏也。必四藏主而脉氣之所以弦鈎毛石也。故春脉之所以弦者。正以吾身之肝。屬東方木也。春時東方司令。萬物始生。未有枝葉。吾肝氣通于春者也。萬物未有枝葉。則脉氣亦未甚盛。故其脉之來。不過濡弱而長耳。脉長似弦。而長中濡弱。乃微弦也。故曰春脉弦也。夏脉之所以鈎者。正以吾人之心。屬南方火

也。夏時南方司令。萬物茂盛。垂枝布葉。則脉氣亦已甚盛。故其脉之來。來則勢急。去則勢遲。乃浮而不易沉也。劉立之曰。來者。自骨肉之分。而出於皮膚之際。氣之升而上也。去者。自皮膚之際。而還於骨肉之分。氣之降而下也。李晞范以來疾爲寸脉。去遲爲尺脉者非。殆有垂布下曲之象焉。故曰夏脉鉤也。秋脉之所以毛者。正以吾人之肺。屬西方金也。秋時西方司令。乃萬物之所終。草木華葉。皆至秋而落。其枝獨在。若毫毛也。吾肺之氣通於秋。故其脉之來。輕虛以浮。有似於毛。故曰秋脉毛也。冬脉之所以石者。正以吾人之腎。屬北方水也。冬時北方司令。乃萬物之所藏。盛冬之時。其水之凝如石也。吾腎之氣通於冬。故其

脉之來沉濡以滑。有似於石。故曰冬脉石也。此所以爲

四時之脉也。

正考

本節四服出自素問王機真藏論但素問故曰弦故曰鈞故曰

浮故曰營之下各有下四節太過不及之病而此則不論耳詳下文王機真藏論黃帝曰

春脉如弦何如而弦歧伯曰春弦者肝也東方木也萬物之所以始生也故其氣來栗弱輕虛而滑端直以長

故曰弦黃帝曰夏脉如鈞如何而鈞歧伯曰夏脉者心也南方火也萬物之所以盛長也故其氣來盛去衰故曰鈞帝曰秋脉如浮何如而浮歧伯曰秋脉者肺也西方金也萬物之所收成也故其氣來輕虛以浮來急去散故曰浮帝曰冬脉如營如何而營歧伯曰冬脉者腎

也。北方水也。萬物之所以合藏也。故其氣來沉以搏。故

曰管。

按岐伯之所謂氣來者非承上文萬物之氣也。正言吾身之脈氣也。而即軟字弱嬌嫩也。春脈其氣

來軟弱。輕虛而滑。端直以長。比難經濡弱而長為尤詳。夏脈其氣來盛去衰。即難經來疾去遲也。但疾遲二字

不若素問盛衰二字之尤切。素問謂秋脈其氣來輕虛以浮。與難經同。但素問有來急去散。而難經無之。蓋來

急與夏脈來疾全去散與去遲不全。其散字最妙。散則有輕虛以浮之意。此一句斷不可缺。乃越人失之也。冬

脈者。王水註云。脈沉而濡。如管動也。其氣來沉以搏。即難經沉濡而滑之意。然搏擊于手。即滑之謂也。

附考證

素問宣明五氣論云。五脈應象。肝脈弦。心脈鉤。

脾脈代。肺脈毛。腎脈石。是謂五藏之脈。

附考證

素問

平人氣象論。歧伯曰。脈得四時之順。曰病無他。脈反四時及不間藏。曰難已。素問脈要精微論。歧伯曰。持脈

有道。虛靜爲保。春日浮。如魚之遊在波。夏日在膚。泛泛乎萬物有餘。秋日下膚。蟄蟲將去。冬日在骨。蟄蟲周密。

君子居室。

保作寶

如有變奈何。

此一句。總問四時之脉。必有其變。正以發下五節之意也。脉逆四時之謂變。變乃不常之謂也。言春弦夏鉤秋毛冬石者。四時之常脉也。或不能以無變則將如之何哉。

然春脉弦。反者爲病。何謂反。然其氣來實強。是謂太過。病在外。氣來虛微。是謂不及。病在內。氣厭厭聶聶。如循榆葉。

曰平。益實而滑。如循長竿曰病。急而勁益強。如張弓弦曰死。春脉微弦曰平。弦多胃氣少曰病。但弦無胃氣曰死。春以胃氣爲本。厭音覺 聶上聲

此一節言春脉本弦。反者有太過不及。則病有外內之殊。又狀平脉病脉死脉之體而申之。以見胃氣在人爲甚重也。言春脉當弦。卽首節所謂濡弱而長。及下文氣厭厭聶聶。如循榆葉曰平。春脉微弦曰平之謂也。此其所以無病也。苟反此。則有太過不及而病從生矣。何以謂之反也。彼脉氣之來實而且強。是之謂太過也。斯病形于外焉。氣鬱則病 形於外素問玉機真藏論所謂一人善怒。

脉反

本志云。當作怒。忽忽眩冒而巔疾者是已。忽忽。不爽也。謂目眩如轉也。冒。謂冒悶也。

巔也。巔。頂也。脉氣之來。虛微而弱。是之謂不及也。斯病形於

內焉。氣少。則病在於中。素問王機真藏論。所謂胃痛引背。下則

兩脇胠滿者是也。胠。脇也。夫。弦本春時之脉。而太過不及。

其為病也如此方。其無病之時。脉本平也。擬而議之。氣

厭厭聶聶。如循榆葉者。夫是之謂曰平。厭厭聶聶者。恬

靜之謂也。如循榆葉者。榆葉非甚粗大。如弦而軟。循之

則不甚猗熾。不過形容弦脉和柔之意耳。適今有病之

時。脉已病也。擬而議之。益實而滑。如循長竿者。夫是之

謂曰病益實而滑。即上文氣來實強也。如循長竿。則實

強而弦之太長矣。上文外內爲病。不但實強而且曰虛微。茲若止承實強而不承虛微者。殊不知虛微而少胃氣亦必病也。言實強而虛微可類推矣。至于病極之際。脉必死也。擬而議之急而勁益強。如新張弓弦。夫是之謂曰死本實強矣。急而勁則其勢益強。如弓弦新張。全無更弱。此乃真藏之脉。其死必也。且吾所謂厭厭聶聶如循榆葉爲平者。蓋以春脉得微弦。是以謂之平也。益實而滑如循長竿爲病者。蓋以弦多胃氣少。是以謂之病也。急而勁益強。如新張弓弦爲死者。蓋以但弦無胃氣。是以謂之死也。由是觀之。則知脉曰平者。有胃氣也。

曰病者胃氣少也。曰死者無胃氣也。然則當春之時豈不以胃氣爲本哉。夫所謂胃氣者何以見之。卽微弦之微字是也。微則和且緩矣。其誠土性之調歟。

正考證

本節反者爲病。主病在內。出自素問。王機真藏論。但素問有太過不及之病。而此則不及脩耳。

王機真

藏論。帝曰。何如而反。歧伯曰。其氣來實而強。此謂太過。

病在外。其氣來不實而微。此謂不及。病在中。帝曰。春脉

太過與不及。其病皆何如。歧伯曰。太過則令人善忘。忽

忽眩。胃而顛疾。其不及則令人脊痛。引背下則兩脇肘

滿。按歧伯曰。其氣來實而強。此謂太過。病在外。其氣來不實而微。此謂不及。病在中。呂廣註云。實強者。陽氣

盛也。少陽當微弱。今更實強。謂之太過。陽處表。故令病在外。厥陰之氣養于筋。其脉弦。今來虛微。故曰不及。陰

震中故令病在內。蓋以少陽為表為病在外而厥陰為裏為病在內也。熊宗立于心部太過則曰太陽不及則曰少陰肺部太過則曰太陽不及則曰少陰。腎部太過則曰太陽不及則曰少陰。與廣同。

正考證

本節氣厭厭聶聶如循榆葉曰平。至急而勁益強如新張弓弦曰死。出自素問平人氣象論。但其辭異意同耳。

平人氣象論。岐伯曰。平肝脉來。奭弱招招。如揭長竿末

梢。曰肝平。春以胃氣為本。病肝脉來。盈實而滑。如循長

竿。曰肝病。死肝脉來。急益勁。如新張弓弦。曰肝死。

按素問言

平肝脉來。奭弱招招。如揭長竿末梢。曰肝平。夫奭弱招招。言與弱迢迢也。如循長竿之末梢。則其奭弱矣。較之

難經謂弱。弱脈如循榆葉曰平。皆以形容微弦之意耳。素問謂病肝脉來。盈實而滑。如循長竿。曰肝病。太盈

實而滑。所謂實強是也。如循長竿。則非末梢之軟弱矣。較之難經謂益實而滑。如循長竿。曰病。其辭意皆同也。

素問謂死肝脉來。如新張弓弦。曰肝死。較之難經謂急而勁益強。如張弓弦。曰死。則又詳矣。又按王機真藏論

云真肝脉来。正所謂如新張弓弦中外急也。如循刀刃。則甚剛矣。責責然如按琴瑟弦則甚急矣。此皆如新張弓弦所以皆至于死也。

平人氣象論

本節春脉微弦曰平。至但弦無胃氣曰死。出自素問平人氣象

論其春以胃氣為本一平人氣象論歧伯曰春胃微弦句已見前段考證中。

曰平弦多胃少曰肝病但弦無胃曰死胃而有毛曰秋病毛甚曰今病藏真散于肝肝藏筋膜之氣也。

夏脉鈞反者為病何謂反然氣来實強是謂太過病在外氣来虛微是謂不及病在內其脉来累累如環如循琅玕曰平来而益數如雞舉足者曰病前曲後居如操帶鈞曰死夏脉微鈞曰平鈞多胃氣少曰病但鈞無胃氣曰死夏以胃氣為本何承雲云在內下有其字張世賢本失之。

此一節言夏脉本鉤。反者有大過不及則病有外內之殊。又狀平脉病脉死脉之體而申言之以見胃氣在人爲甚重也。言夏脉當鉤必如首節所謂來疾去遲及下文脉來累累如環如循琅玕曰平。夏脉微鉤曰平之謂也。此其所以無病也。苟反此則有太過不及而病從生矣。何以謂之反也。彼脉氣之來實而且強是之謂太過也。斯病形于外焉。素問玉機真藏論所謂令人身熱而膚痛爲浸淫者是也。脉氣之來虛微而弱是之謂不及也。斯病形于內焉。素問玉機真藏論所謂令人煩心上見咳唾下爲氣泄者是也。

心手少陰心脉起于心中出屬心系下膈絡小腸又從心系

却上肺。故太過。夫鈞本夏時之脉。而太過不及。其爲病
不及之病如此。夫鈞本夏時之脉。而太過不及。其爲病
也如此。方其無病之時。脉本平也。擬而議之。其脉來累
累如環。如循環玕者。夫是之謂曰平。累累如環。如循環
玕。蓋琅玕石似珠玉。循之則漫散而無拘。卽浮大而散
來疾去遲之意也。滑伯仁云。如循琅玕。鈞而和也。適今有病之時。脉本
病也。擬而議之。來而益數。如雞舉足者。夫是之謂曰病。
心脉本浮大而散。今來而益數。如雞舉足。則六至以上
矣。滑伯仁云。如雞舉足。變而有力也。至于病極之際。脉必死也。前曲後
居。如操帶鈞。夫是之謂曰死。脉來前鈞曲而無力。後居
然而不動。如勁直操執革帶之鈞者。是但鈞而不和也。

且吾所謂脉来累累如環如循琅玕為平者。蓋以夏脉微鉤。是以謂之平也。来而益數如雞舉足為病者。蓋以鉤多胃少。是以謂之病也。前曲後居如操帶鉤為死者。蓋以但鉤無胃氣。是以謂之死也。由是觀之。則知脉曰平者。有胃氣也。曰病者。胃氣少也。曰死者。無胃氣也。然則當夏之時。豈不以胃氣為本哉。

正考證

本節反者為病至病

在內。出自素問五機真藏論。但素問有太過不及之病。而此則不偏耳。

王機真藏論。帝曰。

何如而反。歧伯曰。其氣來盛去亦盛。此謂太過。病在外。其氣來不盛。去反盛。此謂不及。病在中。帝曰。夏脉太過。與不及。其病皆何如。歧伯曰。太過。則令人身熱而膚痛。

為浸淫。其不及則令人煩心。上見欬唾。下為氣泄。按岐伯曰。

其氣來不盛。去反盛。難經則云。氣來虛微。似不同矣。然玩來不盛。是亦氣來虛微之意。曰去反盛。則非浮大而散。乃有沉數之意。所

經義

本節其脉來累累如環

以謂之不及而病也。後居如操帶鉤曰死。出自素問。平人氣象論。但其辭異意同耳。平人氣象論。岐伯曰。平

心脉來累累如連珠如循琅玕曰心平。夏以胃氣為本。

病心脉來喘喘連屬其中微曲曰心病。死心脉來前曲

後居如操帶鉤曰心死。按素問玉機真藏論。岐伯曰。真心

然色赤黑不澤。毛折乃死。夫如循薏苡。猶平人氣象論

如循琅玕之意。但曰堅而搏。則是真心脉來。異于循琅

玕矣。難經以累累如連珠。如循琅玕為平脉。始與平人

氣象論之言無異也。難經謂來而益數。如雞舉足曰病

今平人氣象論云。病心脉來喘喘連屬。其中微曲曰病

夫喘喘連屬。即來而益數之意也。其中微曲。雞之舉足

不其曲耶。此意亦已全矣。又謂死心脉来前曲後居。如操帶鉤曰心死。王冰註云。居不動也。操。執持也。鉤謂革帶之鉤。此與**正參證**本節夏脉微鉤曰平。至但鉤無難經無異矣。

論其夏以胃氣為本一句已見前段考證中。平人氣象論。岐伯曰。夏胃微鉤。

曰平。鉤多胃少曰心病。但鉤無胃曰死。胃而有石曰冬病。石甚曰今病。藏真通于心。心藏血脉之氣也。

秋脉毛反者為病。何謂反。然其氣来實強。是謂太過。病在外。氣来虛微。是謂不及。病在內。其病来藹藹如車蓋。按之益大曰平。不上不下。如循雞羽曰病。按之蕭索。如風吹毛曰死。秋脉微毛曰平。毛多胃氣少曰病。但毛無胃氣曰死。秋以胃氣為本。

此一節言秋脉本毛。反者有太過不及。則病有外內之殊。又狀平脉病脉死脉之體而申言之。以見胃氣在人爲甚重也。言秋脉當毛。必如首節之所謂輕虛以浮。及下文其脉來藹藹如車蓋。按之益大曰平。秋脉微毛曰平之謂也。此其所以無病也。苟反此。則有太過不及而病從生矣。何以謂之反也。彼脉氣之來。實而且強。是之謂太過也。斯病形于外焉。素問玉機真藏論所謂令人氣逆而背痛。愠愠然者是也。脉氣之來。虛微而弱。是之謂不及也。斯病形于內焉。素問玉機真藏論所謂令人喘呼吸少氣而咳。上氣見血。下聞病音者是也。

肺太陰脉起於中焦

下絡大腸。還循胃口。上膈屬肺。從肺系橫出腋下。藏氣
爲欬。主喘息。故氣盛則肩背痛。氣逆不及。則喘息變易。
呼吸少氣而欬。上氣見血也。下聞病音。謂喘息則肺中有聲也。夫毛本秋時之脉。而太
過不及。其爲病也如此方。其無病之時。脉本平也。擬而
議之。其脉來藹藹如車蓋。按之益大。夫是之謂曰平。熊
宗立謂小車之蓋。輕浮藹藹然。按之益大。上虛浮而下
益大。乃所以爲微毛也。適今有病之時。脉必病也。擬而
議之。不上不下。如循雞羽者。夫是之謂曰病。熊宗立謂
按之中央堅。兩傍虛。不上不下。如循雞羽。漚漚然者。是
也。及其病極之時。脉必死也。擬而議之。按之蕭索如風
吹毛者。夫是之謂曰死。熊宗立謂按之蕭索如風吹毛。

曰紛紛然。飄騰無歸者。是也。且吾所謂其脉藹藹如車蓋。按之益大爲平者。蓋以秋脉微毛。是以謂之平也。不上不下。如循雞羽爲病者。蓋以毛多胃少。是以謂之病也。按之蕭索。如風吹毛爲死者。蓋以但毛無胃氣。是以謂之死也。由是觀之。則知脉曰平者。有胃氣也。曰病者。胃氣少也。曰死者。無胃氣也。然則當秋之時。豈不以胃氣爲本哉。

平素問

本節反者爲病。至病在內。出自素問。王機真藏論。但素問有太過不

及之病。而此則不脩耳。

王機真藏論。帝曰。何如而反。歧伯曰。其氣

來毛。而中央堅。兩傍虛。此謂太過。病在外。其氣來毛而微。此謂不及。病在中。帝曰。秋脉太過與不及。其病皆何

如歧伯曰太過則令人逆氣而背痛。愠愠然其不及則

令人喘呼吸少氣而欬。上氣見血。上聞病音。按其氣來

堅兩傍虛。此謂太過。病在外。難經止有氣來盛強四字。

今將氣來毛而中央堅。兩傍虛者推之。夫毛至飄揚者

也。兩傍雖虛而中央又堅。則毛之過矣。難經謂氣來虛

微。即素問所謂其氣來毛而微也。學者可以合而觀之

矣。又云真肺脉至大而虛。如以毛羽中人膚。色白赤不

澤。毛折乃死。**正考證**本節其病來詢詢如車蓋。按之

曰病出自素問平人氣象論。歧伯曰平肺脉來厭

眾論但其非異意同耳。平人氣象論歧伯曰平肺脉來厭

厭聶聶。如落榆莢。曰肺平。秋以胃氣為本。病肺脉來不

上不下。如循雞羽。曰肺病。死肺脉來如物之浮。如風吹

毛曰肺死。按難經以厭厭聶聶如循榆莢。曰春平脉。以

第第如車蓋。按之益大。曰秋平脉。與素問異。

又張仲景云。秋脉謂諸如車蓋者。名曰陽結。春脉謂諸如吹榆莢者。名曰數。亦是宗越人之言耳。據理還以素問。更更。迢迢。如循長竿。為春平脉。厭厭。聶聶。如落榆莢。為秋平脉者。是也。又按素問。謂病肺脉來。不上不下。如循雞羽。曰肺病。王冰註云。謂中央堅。兩傍虛。蓋雞羽中央有骨。兩傍虛浮也。則浮而帶澁。非純浮也。此比難經。為尤詳。素問謂死肺脉來。如物之浮。如風吹毛。曰肺死。王冰註云。如物之浮。聲聲然。如風吹毛。紛紛然也。唯經曰。按之。蕭索。如風吹毛。本節秋脉微毛。曰其詞雖異。而其意則同矣。平。至但毛無胃氣。曰死。出自素問。平人氣象論。其秋以平人氣象論。歧伯胃氣為本一句。已見前段考證中。曰秋胃微毛。曰平。毛多胃少。曰肺病。但毛無胃。曰死。毛而有弦。曰春病。弦甚。曰今病。藏真通于肺。以行榮衛陰陽也。

冬脉石。反者為病。何謂反。然氣來實強。是謂太過。病在外。

氣來虛微。是謂不及。病在內。脉來上。大下。兌。濡滑。如雀之啄。曰平。啄啄連屬。其中微曲。曰病。來如解索。去如彈石。曰死。冬脉微石。曰平。石多胃氣少。曰病。但石無胃氣。曰死。冬以胃氣爲本。何承雲云。允當作銳。

此一節言冬脉本石。反者有太過不及。則病有外內之殊。又狀平脉病脉死病之體。而申言之。以見胃氣在人爲甚重也。言冬脉當石。必如首節所謂沉濡而滑。及下文脉來上。大下。兌。濡滑。如雀之啄。曰平。冬脉微石。曰平之謂也。此其所以無病也。苟反此。則有太過不及而病從生矣。何以謂之反也。彼脉氣之來。實而且強。是之謂

能休
亦能休

抄音

太過也。斯病形于外焉。素問王機真藏論所謂令人解
休。平人氣象論尺脉緩瀆謂之解休。註云寒不寒熱不熱弱不弱壯不壯。俾不可名謂之解休。脊脉
痛而少氣不欲言者是也。脉氣之來虛微而弱是之謂
不及也。斯病形于內焉。素問王機真藏論所論令人心
懸如病飢。眇中清。脊中痛。少腹滿。小便變者是也。腎少
自股內後廉貫脊屬腎絡膀胱其直行者從腎上貫肝
肱入肺中循喉嚨候舌本其支別者從肺出絡心注胃
中故病如是也。眇者季脇之下候脊兩夫石本冬時之
傍空軟處也。腎外當眇故眇中清冷也。脉而太過不及其為病也如此方其無病之時脉本平
也。擬而議之脉來上大下兌濡滑如雀之啄。夫是之謂
曰平。上大下兌能宗立調上大者足太陽應手而大也。

下兌者。足少陰診之去而小也。如雀之啄。張世賢謂卽按之濡。舉指來疾者是也。適今有病之時。脉本病也。擬而議之。啄啄連屬。其中微曲者。夫是之謂曰病。張世賢謂啄啄連屬。不如雀之啄也。其中微曲者。熊宗立謂其中緩而微曲者。脾脉尅腎。謂石多而胃氣少也。及其病極之際。脉必死也。擬而議之。來如解索。去如彈石。夫是之謂曰死。來如解索。去如彈石。熊宗立謂來如解索之遲緩。去如彈石之急疾。但沉而無中之胃氣者。是也。且吾所謂脉來上天下兌。濡滑如雀之啄。爲平者。蓋以冬脉微石。是以謂之平也。啄啄連屬。其中微曲爲病者。蓋

以石多胃氣少。是以謂之病也。來如解索。去如彈石。爲死者。蓋以但石無胃氣。是以謂之死也。由是觀之。則知脉曰平者。有胃氣也。曰病者。少胃氣也。曰死者。無胃氣也。然則當冬之脉。豈不以胃氣爲本哉。

王機真藏論

本節反者

爲病至病在內。出自素問王機真藏論。但素問有太過不及之病。而此則不偏耳。

王機真藏論

帝曰。何如而反。歧伯曰。其氣來如彈石者。此謂太過。病在外。其去如數者。此謂不及。病在內。帝曰。冬脉太過與不及。其病皆何如。歧伯曰。太過則令人解。筋脉痛而少氣。不欲言。其不及則令人心懸。如病飢。腹中清。脊中痛。少腹滿。小便變。又云。真腎脉至搏而絕。如指彈石辟。

辟然色黑黃不澤毛折乃死按素問謂其氣來如彈石者此為太過病在外難經

謂氣來實強即氣來彈石之謂也素問謂其去如數者此謂不及病在中今人心懸如病飢腹中痛脊中痛少

腹滿小便變難經謂氣來虛微此內經其去如數則非甚應手者也

如雀之啄曰平至來如解索去如彈石曰死平人氣象出自素問平人氣象論但其辭異意同耳

論岐伯曰平腎脉來喘喘累累如鉤按之而堅曰腎平

冬以胃氣為本病腎脉來如引葛按之益堅曰腎病死

腎脉來發如奪索辟辟如彈石曰腎死按素問謂平腎脉來喘喘累累

如鉤按之而堅曰腎平王冰註云謂如心脉而鉤按之

小堅耳愚意謂喘累累即沉濡而滑之意也難經謂其

來上大下小濡滑如雀之啄曰平愚意曰雀啄無非滑之意也素問謂高腎脉來如引葛按之益堅曰腎病王

冰註云形如引葛言不按且堅明按之時尤甚也難經謂啄不連屬其中微曲曰病愚意如引葛按之益堅分

明咏咏連屬其中微曲之意素問謂死腎脉來發如奪
索辟辟如彈石曰腎死王冰註云發如奪索猶蛇之走
辟辟如彈石言促又堅也難經謂來如解索去如彈石
曰死胃之意奪索索即解索之調及與自彈石之義可謂相
合者矣

平人

本節冬脉微石曰平至
出素問平人氣象論其冬以胃氣為

本一句已見前段考證中

平人氣象論歧伯曰冬胃微石曰腎平石

多胃少曰腎病但石無胃曰死石而有鈞曰夏病鈞甚
曰今病藏真下於腎腎藏骨髓之氣也

胃者水穀之海主稟四時皆以胃氣為本是謂四時之變
病死生之要會也

此一節明四時皆以胃氣為本而極言胃氣在人為甚
重也承上文而言春夏秋冬皆以胃氣為本者何也蓋

以水穀者。人之所賴以有生也。胃主納受。誠爲水穀之海焉。主稟受四時之四藏。而四藏皆以胃氣爲本也。是以四時之間。胃氣多則平。胃氣少則病。有胃氣則生。無胃氣則死。其變病死生之際。無不以此爲要會也。

正

按此篇大義皆出於平人氣象論。王機真藏論附此篇。此節考之兩篇中。並無渾成之語。惟平人氣象論有平人之常氣稟于胃數語。王機真藏論有五藏者皆稟氣于胃數語。則此節蓋本諸此云。平人氣

象論。岐伯曰。平人之常氣稟於胃。胃者。平人之常氣也。人無胃氣曰逆。逆者死。又曰。人以水穀爲本。故人絕水穀則死。脉無胃氣亦死。王機真藏論。岐伯曰。五藏者。皆稟氣於胃。胃者五藏之本也。藏氣者。不能自致於手。

太陰必因於胃氣。乃至於手太陰也。故五藏各以其時自爲。而至於手太陰也。故邪氣勝者。精氣衰也。故病甚者。胃氣不能與之俱。至於手太陰。故真藏之氣獨見。獨見者。病勝藏也。故曰死。

脾者中州也。其平和不可得見。衰乃見耳。來如雀之啄。似水之下漏。是脾衰之見也。

此一節言脾居四藏之中。善不可見。惡則可見。以見其所重者。猶夫胃也。承上文言脾胃者。倉廩之官。五味出焉。胃主納受。脾主運化。則脾之在人。其所係均所重也。故人之五藏。心肺居上。腎肝居下。脾則居乎其中。以寄

王于四季。猶四藏居于四方。而脾處天下之中州也。方其平和之時。脉固微緩。病亦鮮有。其有功于四藏。猶忘帝力於何有。不可得見也。即素問王機真藏論所謂善者不可得見也。及脾衰之時。則脉固失常。病亦迭現。即素問王機真藏論之所謂惡者可得而見也。何以見衰之爲可見也。脉氣之來如雀之啄。此爲不及。病在內。素問王機真藏論所謂令人九竅不通。名曰重強是也。脾爲孤藏。以灌四傍。今脉不平和。則五藏不和。故九竅不通。夫脾不平和。固爲強矣。而九竅不通。則病勢有餘。是爲重強也。脉氣之來如水之下漏。此曰太過。病在外。素問王機真藏論所謂令人四肢不收是也。脾主四肢。是乃脾衰之

見也。信乎脾氣和則平。脾氣少則病。有脾氣則生。無脾氣則死。所謂四時皆以胃氣爲本。而脾之在人。又豈不與胃而相須者乎。

平氣論

本節之義出自素問王機真藏論且其所論太過不

及之病較此更詳

王機真藏論。帝曰。脾脉獨何主。歧伯曰。脾脉

者土也。孤藏以灌四旁者也。帝曰。然則脾善惡可得見之乎。歧伯曰。善者不可得見。惡者可見。帝曰。惡者何如。可見。歧伯曰。其來如水之沆者。此謂太過。病在外。如鳥之啄者。此謂不及。病在中。帝曰。夫子言脾爲孤藏。中央土以灌四旁。其太過與不及。其病皆何如。歧伯曰。太過則令人四肢不舉。其不及則令人九竅不通。名曰重強。

按王冰註云。不正主時。寄王於四季。故善不可見。惡可見也。甚不明。殊不知四藏賴脾以爲養。當脾氣平和之時。實有功於四藏者多矣。然日常如是。雖有善者不可得而見也。惟脾氣以衰。則不惟脾經有疾。而諸經亦必致病。其不善者。有可以立見矣。素問有太過不及之分。在內在外之病。其爲詳盡。難經似以平和代善字。衰代惡字。不知平和與衰。正言得脈。而善惡二字。不但指脈之善不善。要當兼有疾無疾言之。始爲詳盡也。又云。真脾脉至弱。而乍數乍疎。色黃青不澤。毛折乃死。素問平人氣象論。歧伯曰。夏胃微而弱曰平。弱多胃少曰脾病。但代無胃曰死。更弱有石曰冬病。弱甚曰今病。藏真濡于脾。脾藏肌肉之氣也。

素問

太陰陽

明篇。帝曰。脾病而四肢不用。何也。歧伯曰。四肢皆稟氣於胃。而不得至經。必因於脾。乃得稟也。今脾不能爲胃

行其精液。四肢不得稟水穀氣。日以衰。脉道不利。筋骨
肌肉皆無氣以生。故不用焉。帝曰。脾不主時。何也。歧伯
曰。脾者土也。治中央。常以四時長四藏各十八日寄治。
不得獨主於時也。脾藏者。常著胃土之精也。土者。生萬
物而法天地。故上下至頭足。不得主時也。帝曰。脾與胃。
以膜相連耳。而能爲之行其津液。何也。歧伯曰。足太陰
者。三陰也。其脉貫胃屬脾絡嗌。故太陰爲之行氣於三
陰。陽明者。表也。五藏六府之海也。亦爲之行氣於三陽。
藏府各因其經。而受氣於陽明。故爲胃行其津液。四肢
不得稟水穀氣。日以益衰。陰道不利。筋骨肌肉。無氣以

生故不用焉。

十六難曰。脉有三部九候。有陰陽。有輕重。有六十首。一脉變爲四時。離聖久遠。各自是其法。何以別之。然是其病有內外證。

此一節言診脉之法有不同。必得其病體證候而後爲

全也。脉有三部。寸關尺也。九候。三部中之浮中沉也。詳

十八難。陰陽。卽四難脉有陰陽之法也。輕重。卽五難三菽

六菽之謂也。六十首。係古經篇名耳。按素問方盛衰論黃帝答雷公曰。聖

人持診之道。先後陰陽而持之。奇恒之勢。乃六十首。計云奇恒勢。六十首。今世不傳。則所謂六十首者。正此是

也。今以七難冬至後得甲子。少陽王等語爲解。蓋言六十日之首。六六三百六十首。以成一歲耳。義雖稍通實

未考諸此也。

一脈變爲四時。卽十五難春弦夏鈞秋毛冬石也。越人之意。以爲凡若此者。皆脈法也。予離上古神聖。亦久遠矣。後之術者。又各是其法。果何以別之。而有一定之見乎。然而診法固有不同。病證猶有可驗。據諸脈法。而又驗內外證。庶可以得神聖之遺意矣。

其病爲之奈何

此承上文。以起下文。言診脈固當以辨證。必如之何。而後可以別其病在何經也。

假令得肝脈。其外證善潔。面青。善怒。其內證。臍左有動氣。按之牢。若痛。其病四肢滿。閉牀溲。便難轉筋。有是者肝也。

無是者非也。

此一節言得肝之脉必見其有内外之證候病體而後可以決其爲肝經也。假令診得肝脉或爲太過或爲不及似乎肝經之有病也。又必卽其證候病體而詳察之斯可焉。自外證而言膽爲清淨之府而肝與膽相爲表裏故從而善索也。善之爲言好聲也。膽爲甲木肝爲乙木位東方而其色青故形之于面者自青。素問金匱真通于肝也。膽主決斷肝主謀慮而其志皆主怒故從而善怒也。素問陰陽應象大論岐伯曰在志爲怒怒傷肝悲勝怒怒宣明五氣論曰膽爲怒又云陽入之陰則靜陰其形之于外者如此自内證而言肝之爲出之陽則怒。

經。自足大指之大敦。行內廉。上季脇終期門。素問刺禁
論。謂肝生于左。則臍左者。肝之部也。今肝有病。其氣不
能運行。故臍左有積氣之動者。按之堅牢而若痛焉。其
驗之于內者。又如此。且其為病體也。脾主四肢。肝有病。
則土受木侮。故四肢腫滿也。閉澀也。淋瀝也。夫元政紀
論不發不攻。犯寒犯
熱之下。有淋閉二字。溲不得小便也。肝脈循陰器。故肝
病則淋閉而小便不得也。素問大奇論篇。肝雍兩
眩滿。肝氣不得小便。便難。
大便難也。素問至真要大論。太陰司
天之下。有民病大便秘難。肝主下部。肝病則
氣逆不行於下。故大便不通也。轉筋。筋膜抽縮也。肝藏
血。又主筋。肝病則不能納血。而筋無以養。故從而轉縮。

矣

素問陰陽應象大論岐伯曰在體爲筋在藏爲肝重

其陰夫有是內外之證而又有內外之病則其始也既診

得肝經之脉矣至是而遂決其爲肝經之疾也何疑哉

否則無是證與病也未可以信其爲肝經者矣

假令得心脉其外證面赤口乾喜笑其內證臍上有動氣

按之牢若痛其病煩心心痛掌中熱而哕有是者心也無

是者非也

乾音干
哕音婉

此一節言得心之脉必見其有內外之證候病體而後

可以決其爲心經也假令診得心脉或爲太過或爲不

及似乎心經之有病也又必得心之證候病體而詳察

之斯可焉。自外證而言。心位南方。而其色赤。故心有病。

則色之見于面者。赤也。素問金匱真言論岐伯曰南方

大論岐伯曰。舌為心之苗。心火盛則其舌焦而口乾矣。

素問陰陽應象大論岐伯曰。笑者心之聲。心有病則喜笑。

矣。喜之為言。好也。素問陰陽應象大論岐伯曰。心在聲

五氣論精氣并于心則喜非喜喜傷心恐勝喜宜明

則不笑正文之喜則好之謂也。其形之于外者如此。自

內證而言。臍上者。心之部也。心有病。其氣不能運行。故

臍上有積氣之動者。按之堅牢而若痛焉。其驗之于內

者又如此。且其為病體也。心為君主之官。神明出焉。有

病則心煩矣。

素問氣交變大論歲。心有厥痛。有真痛。真

痛係手少陰心經。厥痛係手厥陰心包絡經。內經指爲
手心主者是也。厥痛則他經所干。不爲有害。真痛則本
經自病。旦發夕死。夕發旦死。此曰痛者。以下文掌中熱
觀之。乃屬心包絡經。不過是厥痛耳。詳見六手厥陰心
十難中包絡經起于中指之中冲。至掌中勞宮。上大陵。故心有
病則掌中熱矣。有聲無物謂之呃。所謂乾嘔是也。心有
病則火上衝而發呃矣。素問至真要大論岐伯曰諸痰
喘皆屬於上諸逆衝上皆屬於火諸嘔吐
皆屬於熱。夫有是內外之證。而又有內外之病。則其
始也。既已診得有心經之脉矣。至是而遂決其爲心經
之疾也。何疑哉。否則無是證與病也。未可以必其爲心

經者矣。

假令得脾脉。其外證面黃。善噫。善思。善味。其內證當臍上
有動氣。按之牢若痛。其病腹脹滿。食不消。體重節痛。怠惰
嗜卧。四肢不收。有是者脾也。無是者非也。臆乙介切

此一節言得脾之脉。必見其有內外之證。候病體而後
可以決其為脾經也。假令診得脾脉。或為太過。或為不
及。似乎脾經之有病也。又必得脾之證。候病體而詳察
之。斯可焉。自外證而言。胃屬戊土。脾屬巳土。位乎中。而

其色黃。故脾有病。則色之見于外者黃也。

素問金匱真

中央黃色入通于脾。素問陰陽

應象大論岐伯曰。脾在色為黃。噫。氣轉也。

論云云。飽出

經篇所謂上走心為噫者陰盛而上走於陽明陽明絡
通心故曰上走心為噫也素問宣明五氣論三部九候
論靈樞九針論皆曰心為噫王冰註云象火炎上煙隨
心出心不受穢故噫出之靈樞口問篇黃帝曰人之噫
者何氣使然歧伯曰寒氣客于胃厥逆從下上散復出
于胃故曰噫夫曰心為噫又曰寒氣轉於胃蓋心氣主
噫而胃又有寒故從之而轉耳靈樞言胃而此為脾病
者脾胃之病無甚異也王冰註為噦噦者非口問篇有
噦噦問脾之志為思故有疾則其志不寧而善思矣
陰陽應象大論歧伯曰脾在志為思思傷脾主五味惟
脾怒勝思又五運行大論曰其志為思脾氣不足故思
得味以助之其形之于外者如此自內證而言臍之上
有胃之中脘而脾則運化中脘之飲食者也今脾有病
其氣不能運化故臍上有積氣之動者按之堅牢而若
痛焉其驗之于內者又如此且其為病

體也。脾所以運化水穀也。脾氣弱而不能運化。故腹中

脹滿矣。其所用之食則不消也。脾主肌肉。今有病則體

重矣。素問陰陽應象大論岐伯曰在體爲肉素問四氣

論雷公曰肝虛腎虛脾虛皆令人體重煩冤素問標本病傳論有身體重肌肉瘦削則節痛

矣。脾氣弱則怠惰嗜卧矣。脾主四肢。懈而不能收矣。靈

經熱論骨痺下有四肢懈惰不收夫有內外之證。而又有內外之病。則

其始也。旣以診得有脾經之脉矣。至是而遂決其爲脾

經之疾也。何疑哉。否則無是證與病也。未可以必其爲

脾經者矣。

假令得肺脉。其外證面白。善嚏。悲愁不樂。欲哭。其內証臍

右有動氣按之牢若痛其病喘咳洒淅寒熱有是者肺也
無是者非也嚏音帝

此一節言得肺之脉必見其有內外之症候病體而後
可以決其為肺經也假令診得肺脉或為太過或為不
及似乎肺經之有病也又必得肺之症候病體而詳察
之斯可焉自外症而言肺位西方其色白故肺有病則
色之見于面者白也素問金匱真言論岐伯曰西方白
色入通于肺素問陰陽應象大論
岐伯曰在鼻為肺之竅故肺有病則氣不和而常欲得
色為白夫嚏矣素問宣明五氣論岐伯曰腎為欠為嚏靈樞口
問篇黃帝曰人之嚏者何氣使然岐伯曰陽氣
和利滿于心出于鼻故為嚏陰陽
陽應象大論岐伯曰在竅為鼻肺之志為悲聲為哭今

有病則憂愁不樂。而時欲發之為哭矣。

素問陰陽應象大論岐伯曰在

志為憂。在聲為哭。

其形之于外者如此。自內證而言。素問刺禁

論謂肺藏於右。則臍右者。肺之分也。今肺有病。其氣不

能運行。故臍右有積氣之動者。按之堅牢而若痛焉。其

驗之于內者又如此。且其為病體也。肺主氣。故有疾則

喘息咳嗽作矣。

素問陰陽應象大論岐伯曰。在變動為欬。素問示從容論。帝謂雷公曰。喘欬者

是水氣并陽明也。標本病傳論肺病喘欬。

肺主皮毛。今肺氣不足。則洒洒惡

寒。淅淅發熱矣。熊宗立皆以為外感風寒所致。以愚論

之外感固然。而內傷亦有之也。夫有是內外之症。而又

有內外之病。則其始也。既已診得有肺經之脉矣。至是

而遂決其爲肺經之疾也。何疑哉。否則無是證與病也。未可以必其爲肺經者矣。

假令得腎脉。其外證面黑。善恐。欠。其內証臍下有動氣。按之牢若痛。其病逆氣。小腹急痛。泄如下重。足脛寒而逆。有是者腎也。無是者非也。

欠丘劒切滑伯仁以泄如之如讀爲而者是也

此一節言得腎之脉。必見其有內外之症候。病體而後可以決其爲腎經也。假令診得腎脉。或爲太過。或爲不及。似乎腎經之有病也。又必得腎之症候。病體而詳察之。始可焉。自外證而言。腎主北方。其色黑。故脉有病。則色之見于外者黑也。

素問金匱真言論歧伯曰北方黑色入通于腎素問陰陽應象大論

說文云欠張口氣情也

岐伯曰。腎在志爲恐。故有病則善恐。素問陰陽應象大論。岐伯曰。腎在色爲黑。腎在志爲恐。故有病則善恐。宣明五氣論。精氣并於腎。則恐。氣相引也。腎氣不足。故善欠。宣明五氣論。靈樞九針論曰。腎爲欠。又曰。腎主欠。靈樞口問篇。黃帝曰。人之欠者。何氣使然。岐伯曰。衛氣晝日行于陽。夜半則行於陰。陰者主夜。夜者則陽者主上。陰者主下。故陰氣積于下。陽氣未盡。陽引而上。陰引而下。陰陽相引。故數欠。故其形之於外者如此。自內證而言。腎居下下。則臍下者。腎之部也。今腎有病。其氣不能運行。故臍下有積氣之動者。按之堅牢。而若痛焉。其驗之于內者。又如此。且其爲病體也。足少陰腎經起于足掌心之湧泉。行內踝。入小腹。上俞府而行。今有病。則脉道阻滯。而有逆氣。小腹因以急痛矣。腎開竅于二便。今有病。則大便泄。

利而後重矣

素問金匱真言論歧伯曰開竅于二陰

腎主骨。今腎氣不足

則足脛寒。筋縮而上逆矣。夫有是內外之證。而又有內

外之病。則其始也。既以診得有腎經之脉矣。至是而遂

決其為腎經之疾也。何疑哉。否則無是證與病也。未可

以必其為腎經者矣。

正考證

或曰。假令診得肝之病。脉當必擬其為肝病也。

越人之意。又必驗其症候。病體而後決之。然則得肝之脉。其症候少有未合。猶未可以必其為肝。然則得肝之决之為肝。則症病又未盡合。將欲决之他經。則脉又在肝經。當用何法。以定之耶。愚謂越人之意。不過欲學者得肝之脉。必備察証候。病體而後可也。其間雖症病不能一一盡合。亦可信其為肝經者矣。蓋得病之初。其病候病體未必悉有也。假如有一証已形。亦是肝經無疑。餘經可類推矣。且此篇之意。欲人之得脉者。必驗之脉耳。與病而下篇之意。欲人之得証與病者。又必驗之脉耳。

非此篇止以症候病體爲重而不重夫脉下篇止以脉爲重而不重夫証與病也。凡此類者學者能會通于言意之表而不泥於章句之末焉斯可矣。

十七難曰。經言病或有死。或有不治自愈。或連年月不已。其死生存亡。可切脉而知之耶。然可盡知也。

此一節即病有死生久患者而歸重於切脉者之能前知也。前篇言得各經之脉。必得各經之証與病。而後可以決其爲何經。此篇言得各經病與証者。必合各經之脉而後可以決其爲死生也。言內經之論病也。或有決其爲死者。或有決其爲不治自愈者。或有決其爲連年連月病之不已而不死者。有此三者如此。其死而亡也。

生而存也。果可切脉而知之耶。然而脉者。氣血之先也。證候病體。係於此經矣。其脉有相生而爲生者。有相勝而爲死者。有陰病宜見陰脉。反得陽脉而死者。有陽病宜見陽脉。反得陰脉而死者。其病體不同。皆可以切脉而知其爲生死存亡之攸係也。

診病若閉目不欲見人者。脉當得肝脉強急而長。而反得肺脉浮短而濇者。死也。

此一節言得肝之病者。當得肝之脉。而反得肺之脉者。爲必死也。夫目乃肝之外候。今診視病人。閉目不欲見人。此病係在肝經也。旣得肝之病。當得肝之脉。必弦急

而長者。乃其宜也。反得肺脉之浮短而濇者。來現。惡。知肝屬木。肺屬金。以肝病而得肺脉。是金來尅木也。其爲死也必矣。

病若開目而渴。心下牢者。脉當得緊實而數。而反得沉濡而微者。死也。微音

此一節言得心之病者。當得心之脉。而反得腎之脉者。爲必死也。此節張世賢泥於開目二字。以爲肝心之疾殊不知心病而得腎者死。若肝得腎脉。則母來抑子。何死焉。且此與下文病若譫言妄語一節皆陽病也。陽病見陽脉者生。今見陰脉則死矣。蓋外感之陽病得陽脉。

者生。其邪仍在於表也。內傷之陽病得陽脉者生。以其病在陽分也。凡外感之陰病得陽脉者生。以邪自裏而之表也。內傷之陰病當得陰脉而生。以其病在陰分也。各有所宜者如此。今病若渴之太甚。開目以求飲。其心不舒而牢者。此病在心經也。旣得心之病。當得心之脉。必緊實而數。乃其宜也。今反得腎脉之沉濡而微者。來現焉。則知心屬火。腎屬水。以心病而得腎脉。是水來尅火也。其爲死也必矣。正以陽病不分外感內傷而皆宜見陽脉也。然以下節推之。則此節亦爲內傷也。歟。

病若吐血復衄血者。脉當沉細而反浮大。而牢者。死也。

就音

就渠牛切
舛女六切

此一節言失血本為陰病當得陰脉而反得陽脉者死也血病屬陰病若吐血復衄衄者衄在口則吐血在鼻則衄衄衄為鼻寒出水衄為鼻中出血也是失血而虛當得沉細之陰脉則火氣衰而血易止矣今反得浮大而牢者是陰病見乎陽脉不但其病難愈而其死有必然也

王機真藏論歧伯曰脫血而脉實皆難治

按金匱真言論春善病衄衄冬不按蹻春不衄舛也六元正紀少陽司天二之氣有衄舛二字按脉經云吐血衄血脉滑小弱者生實大者死又云脉緊強者死滑者生

病若謔言妄語身當自熱脉當洪大而反手足厥冷脉沉

細而微者死也。

譫與譫同職廉切

此一節言譫妄本為陽病。當得陽脉。而反得陰脉者。死也。譫言者。病人寐而自語也。妄語者。妄誕之語也。病者譫言妄語。熱病也。其證身當發熱。其脉本當洪大。所謂陽證見陽脉者。為易愈也。今身不熱而手足厥冷焉。脉不洪大。而反得沉細而微焉。是謂陽證得陰脉。和氣自表而之裡也。不其至於死耶。是證也。其殆外感也夫。

正考證

素問玉機真藏論岐伯曰病熱脉靜皆難治。按

問氣交變大論歲火太過歲水太過大元正氣大論陽明司天之下俱有譫妄二字。李東垣曰譫語者。合日自言言所日用常見常行之事也。在言者大開目與人語。語所未嘗見之事也。

病若大腹而洩者。脉當微細而瀼。反緊大而滑者。死也。

此一節言得脾之病。當得脾之脉。而反得肝脉者。為必死也。病若大腹而洩。是濕氣乘乎脾土。脉當微細而瀼。是陰病見陰脉也。今反緊大而滑。則肝木來尅脾土矣。所謂雜證陰病見陽脉者。不其至于死耶。

正論素

問王機真藏論。岐伯曰。泄而脉大。皆難治。或曰。首節之

者。有所謂不治自愈者。有所謂連年月不已者。次節以下。則皆言死。而不言夫不治自愈。與連年月不已者。何也。愚謂次節得肝之病。而反得脾之脉。是相尅而死也。假令得心之脉。是子來乘母。不治自愈。得腎之脉。是母來抑子。連年月不已。其病若開目而渴。一節當得心之脉。而反得腎之脉。是相尅而死也。假令得脾之脉。是子來乘母。不治自愈。得肝之脉。是母來抑子。連年月不已。至于病若吐血二節。則陰病見陽脉。陽病見陰脉。皆至

死耳末節得解之病。而反得肝之脉。是相尅而死也。右得肺之脉。是子來乘母不治自愈。得心之脉。是母來印子。連年月不已。學者觀此而引伸之。則有以知越人未發之意矣。

十八難曰。脉有三部。部有四經。手有太陰陽明。足有太陽少陰。爲上下部。何謂也。

此一節越人因十二經有上中下部之分。而發問之也。其意以爲脉有三部。兩手各有寸關尺也。部有四經。兩手寸部共有四經。右寸手太陰肺。陽明大腸也。左寸手少陰心。太陽小腸也。兩手關部共有四經。右關足太陰脾。陽明胃也。左關足厥陰肝。少陽膽也。兩手尺部共有四經。右尺手厥陰心包絡。少陽三焦也。左尺足少陰腎。

太陽膀胱也。然手太陰陽明居于右寸。則爲上部。足太
陽少陰居於左尺。則爲下部。是以吾身之藏府。而所居
有一定之部分矣。果何所謂而然也。

正考證

按前人問止

於右寸左尺而不及夫左寸右尺止於尺寸而不及夫
兩關者。非止重夫右寸左尺而輕夫各部也。觀其脉有
三部一句及下文所答之詞。則各部俱全矣。古人每有
問畧而答詳者。不拘拘也。學者當回其偏。以悟其全焉。
斯可矣。

然手太陰陽明金也。足少陰太陽水也。金生水。水流下行
而不能上。故在下部也。足厥陰少陽木也。生手太陽少陰
火。火炎上行而不能下。故爲上部。手心主少陽火。生足太
陰陽明土。土主中宮。故在中部也。此皆五行子母更相生

養者也。

此一節言十二經居上中下部者。以五行之相生爲次也。手太陰者肺也。屬辛金。手陽明者大腸也。屬庚金。金性雖沉而肺則行陽道多。非純金也。爲五藏之華蓋。其位至高。大腸爲肺之府。其性同。故與肺並居于右手之上部焉。蓋此正屬西方金也。由是金能生水。則足少陰者。腎也。屬癸水。足太陽者。膀胱也。屬壬水。水性下行而不能上。故左手尺部乃其所居者矣。蓋腎與膀胱之所生所系皆屬於下。而尺則正屬北方水。其居之者宜也。由是水能生木。則足厥陰者。肝也。屬乙木。足少陽者。膽

也屬甲木。居乎左手關部者。正位列東方也。按虞氏曰足厥陰肝

木何以居左手關部。蓋木根生于地。枝葉長於天。亦陰陽共焉。故在左中關。由是木能生火。

則手太陽者。小腸也。屬丙火。手少陰者。心也。屬丁火。火

性炎上而不能下。故居左手之上部者。正南方也。夫心

為君主之官。屬君火。手心主者。即手厥陰。心包絡。代君

火以行事者也。與手少陽三焦俱為相火。寄位於右尺

此火均能生土。由是足太陰者。脾也。屬己土。足陽明者。

胃也。屬戊土。主乎中宮。故居右手之中部矣。由是觀之則知左手

尺部生左關左寸。水而木。木而火也。右手尺部生右關右寸。火而土。土而金也。皆由下而生上者也。今由

上文而言。則知金生水。水生木。木生火。火生土。土又生

金。此雖有上中下部之分。皆五行子母更相生養者也。所謂脉有三部。部有四經者。豈不昭然可見哉。

附考

證素問血氣形志篇。夫人之常數。太陽常多血少氣。少陽常少血多氣。陽明常多氣多血。少陰常少血多氣。厥陰常多血少氣。太陰常多氣少血。此天之常數。足太陽與少陰爲表裏。少陽與厥陰爲表裏。陽明與太陰爲表裏。是爲足之陰陽也。手太陽與少陰爲表裏。少陽與心主爲表裏。陽明與太陰爲表裏。是爲手之陰陽也。

按靈樞五

音五味篇則云。少陰常多血少氣。靈樞九針論則云。太陰常多血少氣。與此不同。按上節問手太陰陽明。居於上部。而此節止曰太陰陽明。金也。不明言其所以居於上部之故。言金生水。水生火。火生土。而獨不言水生

木者是皆不拘拘於致詳之意耳學者當推而悟之斯可焉。

脉有三部九候各何所主之。然三部者寸關尺也。九候者浮中沉也。上部法天主。胃已上至頭之有疾也。中部法人主。膈下至臍之有疾也。尺爲下部法而應乎地。主臍下至足之有疾也。審而刺之者也。

此一節言三部各有所主而施九候之法。可以審其疾在何部而刺之也。上節言十二經分居上中下部矣。則診脉者當於三部之中而行九候之法也。但三部九候各以何法爲主。始知吾身之中何所合於何部而何脉治夫何疾也。

正文第一主字兼三部九候然三部者兩言二三四主字專主各部言

手各有寸關尺也。九候者。每部各有浮中沉也。三而三之。故謂九候。且所謂上中下部者。何也。蓋天位乎上。地位乎下。而人則成位乎其中。是以大而天地人者。謂之三才。小而寸關尺者。謂之三部。以三才而可合於吾人之身。以吾身而可同於三才之大。故吾人之寸。謂之上部也。上部正所以法天。主胃以上至頭之有疾。由是而施浮中沉之法。則自胃至頭。可以審其病之所在而刺之。不使惑於中下二部可也。吾人之關。謂之中部也。中部正所以法人。主自膈以下至臍之有疾。由是而施浮中沉之法。則自膈至臍。可以審其病之所在而刺之。不

使惑於上下二部可也。吾人之尺調之下部也。下部正所以法地。主臍以下至足之有疾。由是而施浮中沉之法。則自臍至足可以審其病之所在而刺之。不使惑於上中二部可也。

正考證

按越人問三部九候其所答

九候殊不知審而刺之則浮中沉之法寓於審之一字矣。其所謂刺者針以刺之也。虛則補之實則瀉之。必有攸當然針藥一理。觀刺之者當審則藥之者亦當審。學者者可以會而通之矣。又按上節言十二經分爲兩手上中下部。此節指寸高主臂以上至頭之有疾。不言手太陰陽明手少陰太陽指關部主臂以下至臍之有疾。不言足太陰陽明足厥陰少陽指尺部主臍以下至足之有疾。不言足少陰太陽手厥陰少陽者何也。愚思上節主各經部位而言此節主一身三停而言。然每每照各部以診病用藥固無不當而三停之中或有疾痛積聚癰疾等證則又未嘗不形於脉也。神而明之存乎其人耳。

附考證

素問亦有三部九候篇王冰云

所謂三部者言身之上中下部非謂寸關尺也其所謂
三候者乃天地人之說愚謂上中下者誤是人身之上
中下則診脉者指何由措而下文九候之法胡從而施
當以寸關尺爲是王註未的其天地人者恐亦是浮中
沉耳蓋浮中沉則診法易施而上中下之理亦寓矣帝曰何謂三部岐伯曰有下
部有中部有上部部各有三候三候者有天有地有人
也必指而導之乃以爲真上部天兩額之動脉上部地
兩頰之動脉上部人耳前之動脉中部天手太陰也中
部地手陽明也中部人手少陰也下部天足厥陰也下
部地足少陰也下部人足太陰也故下部之天以候肝
地以候腎人以候脾胃之氣帝曰中部之候柰何岐伯
曰亦有天亦有地亦有人天以候肺地以候胃中之氣

人以候心。帝曰。上部以何候之。歧伯曰。亦有天。亦有地。亦有人。天以候頭角之氣。地以候口齒之氣。人以候耳目之氣。三部者。各有天。各有地。各有人。三而成天。三而成地。三而成人。三而三之。合則爲九。

人病有沉滯。又積聚。可切脉而知之耶。然診病在右脅有積氣。得肺脉結。脉結甚。則積甚。結微。則氣微。診不得肺脉。而右脅有積氣者。何也。然肺脉雖不見。右手脉沉伏。

此一節言有肺積者。其脉當結。非結則當沉伏也。上文旣言三部之病。皆可因九候而知之矣。至於人之病有沉滯於內。氣血不順。而又則自成積聚者。果可切脉而

知之耶。然而人之診病者。假令在右脅有積氣。乃肺之積也。當得肺脉結。其爲脉也結甚。則其積必甚。其爲脉也結微。則其氣必微。此爲病與脉應者矣。又言診不得肺脉結。而右脅有積氣者。何也。然而肺脉之結者。雖未之見。其右手必沉伏也。蓋氣積於藏。屬裏。故脉當沉伏耳。由此觀之。則有肺積者。非結則沉伏。非沉伏則結。未有有是病而無是脉者也。宜於二者之脉而審之。斯可矣。

其外瘕疾同法耶。將異也。然結者。脉來去時一止。無常數。名曰結也。伏者。脉行筋下也。浮者。脉在肉上行也。左右表

裏法皆如此。

此一節言外有痼疾者其脉雖當結然必得浮而結與肺積之伏而結者不同即此可以爲左右表裏之準也承上文而言肺有積則脉必結或必伏今外有痼疾者如癭瘤結毒之類似乎人之内有積氣也亦用此法以診之非結則沉伏非沉伏則結其法果同耶將異也然而肺有積者病在裏脉當結伏外有痼疾者病在表脉當浮結其結雖同而實有浮伏之異也試以結脉伏脉浮脉三者之脉體言之結者脉来往時乃一止而無常數名之曰結也伏者脉行筋下也浮者脉在肉上行也

故外有痼疾者。不得不結。而結則必浮。其與肺之結而
伏者自異矣。即此推之。凡有疾者。病在左。則脉結於左。
而左之在表者則浮。其在裏者則伏也。病在右。則脉結
於右。而右之在表者則浮。其在裏者則伏也。其法皆如
此。以爲例耳。尚何左右表裏之疾。有患於難明者哉。
假令脉結伏者。內無積聚。脉浮結者。外無痼疾。有積聚。脉
不結伏。有痼疾。脉不浮結。爲脉不應病。病不應脉。是爲死
病也。

此一節言脉不應病。病不應脉者之爲死病也。言即上
文而觀之。則知脉結伏者。內有積聚。而有積聚者。脉必

結伏也。脉浮結者。外有痼疾。而有痼疾者。脉必浮結也。是謂病應乎脉。而脉應乎病者矣。假令脉結伏者。當內有積聚也。茲而無積聚焉。脉浮結者。當外有痼疾也。茲而無痼疾焉。則有是脉。而無是病。乃爲病不應脉也。夫有病以應脉。則脉雖結伏浮結。無害也。今有脉而無病。則結伏浮結。必死之脉也。雖不病。而實爲死脉矣。假令人之有積聚者。脉當結伏也。茲而不結伏焉。有痼疾者。脉當浮結也。茲而不浮結焉。則有是病。而無是脉。乃爲脉不應病也。夫有脉以應病。則病雖有積聚痼疾。無害也。今有病而無脉。則氣血衰少。而脉不能應矣。况已病。

而爲必死乎。吾故曰。爲脉不應病。病不應脉。是爲死病也。張晴陽云。余閱宋元以來。及近世滑伯仁。張世賢。李時珍。熊宗立等註釋難經多矣。或全無所解。或解之而謬。突者。今見此註。殆惺然矣。

難經正義卷之二